

四庫全書

史部

欽定四庫全書

江南通志卷七十七

食貨志

漕運

唐都長安而關中號稱沃野然其土地狹所出不足
以給京師備水旱故常轉漕東南之粟唐書

初江淮漕租米至東都輸含嘉倉以車或駄陸運
至陝而水行來遠多風波覆溺之患其失常十七

八故其率一斛得八斗為成勞而陸運至陝纔三百里率兩斛計庸錢千民送租者皆有水陸之直而河有三門底柱之險

唐書

開元十八年宣州刺史裴耀卿朝集京師玄宗訪以漕事耀卿條上便宜曰江南戶口多而無征防之役然送租庸調物以歲二月至揚州入斗門四月以後始渡淮入汴常苦水淺六七月乃至河口而河水方漲須八九月水落始得上河入洛而漕

路多梗船檣阻隘江南之人不習河事轉顧河師
水手重為勞費其得行日少阻滯日多今漢隋漕
路瀕河倉廩遺跡可尋可於河口置武牢倉鞏縣
置洛口倉使江南之舟不入黃河黃河之舟不入
洛口而河陽柏崖太原永豐渭南諸倉節級轉運
水通則舟行水淺則寓於倉以待則舟無停留而
物不耗失此甚利也玄宗初不省二十一年耀卿
為京兆尹京師雨水穀踊貴玄宗將幸東都復問

耀卿漕事耀卿因請罷陝陸運而置倉河口使江南漕舟至河口者輸粟於倉而去縣官雇舟以分入河洛置倉三門東西漕舟輸其東倉而陸運以輸西倉復以舟漕以避三門之水險玄宗以為然乃於河陰置河陰倉河西置柏崖倉三門東置集津倉西置鹽倉鑿山十八里以陸運自江淮漕者皆輸河陰倉自河陰西至太原倉謂之北運自太原倉浮渭以實關中玄宗大悅唐書

廣德二年廢句當度支使以劉晏領東都河南淮西江南東西轉運租庸鑄錢鹽鐵轉輸至上海度支所領諸道租庸觀察使凡漕事亦皆決於晏晏即鹽利顧僕分吏督之隨江汴河渭所宜故時轉運船繇潤州陸運至揚子斗米費錢十九晏命糓米而載以舟減錢十五繇揚州距河陰斗米費錢百二十晏為歇艎支江船二千艘每船受千斛十船為綱每綱三百人篤工五十人自揚州遣將

部送至河陰上三門號上門填闕船米斗減錢九
十調巴蜀襄漢麻枲竹篠為絢挽舟以朽索腐材
代薪物無棄者未十年人人習河險江船不入汴
汴船不入河河船不入渭江南之運積揚州汴河
之運積河陰河船之運積渭口渭船之運入太倉
歲轉粟百一十萬石無升斗溺者輕貨自揚子至
汴州每駁費錢二千二百減九百歲省十餘萬緡
又分官吏主丹陽湖禁引溉自是河漕不涸

唐書

宋都大梁有四河以通漕運曰汴河曰黃河曰惠民
河曰廣濟河而汴河所漕為多

宋史

開寶五年率汴蔡兩河公私船運江淮米數十萬
石以給兵食

宋史

先是四河所運未有定制太平興國六年汴河歲
運江淮米三百萬石菽一百萬石黃河粟五十萬
石菽三十萬石惠民河粟四十萬石菽二十萬石
廣濟河粟十二萬石凡五百五十萬石非水旱蠲

放民租未嘗不及其數至道初汴河運米五百八
十萬石大中祥符初至七百萬石江南淮南兩浙
荆湖路租糴於真揚楚泗州置倉受納分調舟船
汎流入汴以達京師置發運使領之宋史

江湖上供米舊轉運使以本路綱輸真楚泗州轉
般倉載鹽以歸舟還其郡卒還其家汴州詣轉般
倉運米輸京師摺運者四河冬涸舟卒亦還營至
春復集名曰放凍卒得番休逃亡者少汴船不涉

江路無風波沈溺之患後發運使權益重六路上供米團綱發船不復委本路獨專其任文移空並事目繁夥不能檢察操舟者賊諸吏得詣富饒郡市賤買貴以趨京師自是江汴之舟混轉無辨挽舟卒有終身不還其家老死河路者籍多空名漕事大弊

宋史

江淮等路發運副使蔣之奇都水監丞陳祐甫開龜山運河漕運往來免風濤百年沈溺之患詔各

遷兩官

宋史

張根為江南西路轉運副使歲漕米百二十萬石
給中都江南州郡僻遠官吏艱於督趣根嘗存三
十萬石為轉運之本以寬諸郡時甚稱之

宋史

自熙寧以來其法始變歲運六百萬石給京師外
諸倉常有餘蓄州郡告歉則折收上價謂之額斛
計本州歲額以倉儲代輸京師謂之代發復於豐
熟以中價收糴穀賤則官糴不至傷農饑歉則納

錢民以為便本錢歲增兵食有餘崇寧初蔡京為
相始求羨財以供侈用費所親胡師文為發運使
以糴本數百萬緡充貢入為戶部侍郎來者效尤
時有進獻而本錢竭矣本錢既竭不能增糴而儲
積空矣儲積既空無可代發而輸船之法壞矣

宋

史

天聖中發運使方仲荀奏請度真楚州堰於水牘
自是東南雜運直至京師惟六路上供斛斗猶循

用轉般法吏卒糜費與在路折閱動以萬數欲將六路上供斛斗並依東南雜運直至京師或南京府界卸納庶免侵盜乞貸之弊自是六路郡縣各認歲額雖湖南北至遠處亦直抵京師號直達綱豐不加糴歎不代發

宋史

譚稹上言祖宗建立真楚泗州轉般倉一以備中都緩急二以防漕渠阻節三則綱船裝發資次運行更無虛日自其法廢河道日益淺澁遂致中都

糧儲不繼淮南三轉般倉不可不復乞自泗州為
始次及真楚既有瓦木順流而下不甚勞費俟歲
豐計置儲蓄立法轉般淮南路轉運判官向子諱
奏轉般之法寓平糴之意江湖有米可糴於真兩
浙有米可糴於揚宿毫有麥可糴於泗坐視六路
豐歉有不登處則以錢折斛發運司得以斡旋之
不獨無歲額不足之憂因可以寬民力運渠旱乾
則有汴口倉今所患者向來糴本歲五百萬緡支

移殆盡宣和五年乃降度牒及香鹽鈔各一百萬貫令呂涼盧宗原均糴斛斗專備轉般

宋史

靖康元年令東南六路上供額斛除淮南兩浙依

舊直達外江湖四路並措置轉般

宋史

高宗建炎二年詔二廣湖南北江東西綱運輸送平江府京畿淮南京東西河北陝西及川綱輸送行在又詔二廣湖南北綱運如過兩浙許輸送平江府福建綱運過江東西亦許輸送江寧府三年

又詔諸路綱運見錢並糧輸送建康府戶部其金銀絹帛並輸送行在

宋史

紹興初因地之宜以兩浙之粟供行在以江東之粟餉淮東以江西之粟餉淮西江湖之粟餉鄂岳

荆南

宋史

元都於燕去江南極遠而百司庶府之繁衛士編民之衆無不仰給於江南自丞相巴延獻海運之言而江南之糧分為春夏二運蓋至於京師者一歲

多至三百萬餘石民無輓輸之勞國有儲蓄之富
豈非一代之良法歟

元史

至元十九年巴延追憶海道載宋圖籍之事以為
海運可行於是請於朝廷命上海總管羅璧朱清
張瑄等造平底海船六十艘運糧四萬六千餘石
從海道至京師然創行海洋沿山求嶼風信失時
明年始至直沽時朝廷未知其利

元史

二十二年增濟州漕三千艘役夫萬二千人初江

淮歲漕米百萬石於京師海運十萬膠菜六十萬石而濟之所運三十萬石水淺舟不能達更以百石之舟運用四人故夫數增多

續文獻通考

二十四年始立行泉州專掌海運增置萬戶府二總為四府

元史

二十八年又用朱清張瑄之請併四府為都漕運萬戶府二止令清瑄二人掌之其屬有千戶百戶等官分為各翼以督歲運

至大間議海運事時江東等處運糧海船從大江逆流而上江水湍急又多石礫走沙漲淺糧船俱壞歲歲有之又湖廣江西之糧運至真州泊入海船船大底小亦非江中所宜於是以嘉興松江秋糧並江淮浙財賦府歲辦糧充運海漕之利益至是溥矣

元史

初海運之道自平江劉家港入海經揚州路通州海門縣黃連沙頭萬里長灘開洋沿山嶼而行抵

淮安路鹽城縣歷西海州海寧府東海縣密州膠
州界放靈山洋投東北路多淺沙行月餘始抵成
山計其水程自上海至揚村馬頭凡一萬三千三
百五十里至元二十九年朱清等言其路險惡復
開生道自劉家港開洋至擰腳沙轉沙觜至三沙
揚子江過匾擔沙大洪又過萬里長灘放大洋至
青水洋又經黑水洋至成山過劉島至芝罘沙門
二島放萊州大洋抵界河口其道差為徑直明年

千戶殷明畧又開新道從劉家港入海至崇明州
三沙放洋向東行入黑水大洋取成山轉西至劉
家島又至登州沙門島於萊州大洋入界河當舟
行風信有時至浙西至京師不過旬日而已視前
二道為最便云然風濤不測糧船漂溺者無歲無
之間亦有船壞而棄其米者至元二十三年始責
償於運官人船俱溺者乃免然視河漕之費則其
所得益多矣

元史

二十九年開通惠河以郭守敬領都水監初言水
利有十一事其一欲道昌平縣白浮村神仙泉過
雙塔榆河引一畝玉泉諸水入城匯於積水潭從
東折而南入舊河每十里置一牕以時蓄洩帝稱
善復置都水監命守敬領之丞相以下皆親操畚
鍤為之倡置牕之處往往於地中得舊時磚木人
服其識逾年畢工自是免都民陸輓之勞上悅賜
名曰通惠

續文獻通考

至治三年江浙行省言鎮江運河全藉練河之水
為上源漕運商販舟楫無不由此以供億前朝嘗
濬此湖濬畜潦水若運河水淺開放練河一寸可
添河水一尺近年淤淺以致遞運不通乞加修治
制可工畢又置湖兵百人專任修理

續文獻通考

至正十五年江浙省臣乞減海運以甦民困戶部
定擬本年稅糧除免征外其寺觀並撥賜田糧十
月開倉盡行拘收其不敷糧撥至元折中統鈔一

百五十萬錠於產米處糴一百五十萬石貯瀨河
之地以聽撥運從之

續文獻通考

明初海運因元之故海運不給於是陸運以濟之及
會通河既浚於是又有儕運而海運乃罷遮洋海運
猶不廢焉然儕運之初皆支運也既而議者以為
軍民不便於是又有兌運法凡五變一曰海運二曰
海陸兼運三曰支運四曰兌運五回改兌

續文獻

通考

洪武二年令戶部於蘇州太倉儲糧二千萬石以備海運供給遼東是時海船有一千料有四百料名鑽風海船後永樂中改海運遂改四百料為淺船

續文獻通考

永樂元年令於淮安用船運糧入淮河沙河至陳州潁岐口跌坡下用淺船運至跌坡上別以大船載入黃河至八柳樹等處令河南車夫赴衛河轉輸北京此變海運之始

續文獻通考

十二年海運糧四十八萬四千八百一十石於通
州又衛河儕運糧四十五萬二千七百七十六石
於北京所謂海陸兼運者是也一由江入海出直
沽口由白河運至通州謂之海運一由江入淮黃
河至陽武縣陸運至衛輝府由衛河運至薊州謂
之河運

續文獻通考

十三年時會通河成遂令浙江嘉湖杭與直隸蘇
松常鎮等府秋糧除存留並起運南京及供給內

府等項外其餘原坐海運之數盡撥運赴淮安倉
揚州鳳陽淮安三府秋糧內每歲定撥六十萬石
運至徐州倉徐州並山東兗州府秋糧內每歲定
撥二十萬石俱令民運赴濟寧倉以淺河船三千
隻於會通河支淮安糧運至濟寧倉二千隻支濟
寧糧運赴通州倉每歲通運四次所謂支運者是
也其天津並通州等衛官軍於通州接運至京自
是海運不復行矣

續文獻通考

又令浙江都司並直隸衛分官軍於淮安運糧至
徐州置倉收困京衛官軍於徐州運糧至德州置
倉收困山東河南都司官軍於德州運糧至通州

交收明會典

陳瑄計議令民運糧俱於淮安瓜洲補給腳價兌
與軍船領運瑄又奏請於淮安瓜洲水次令軍民
於此對船交兌令軍船出給通關付還與民令民
補腳價在淮安水次者每正糧一石外加五斗在

瓜洲水次者每正糧一石加五斗五升

續文獻通

考

十六年又令浙江湖廣江西布政司並直隸蘇松常鎮等府兌糧坐派二百五十萬石令糧里自備船隻運赴通州河西務等處上倉

明會典

二十一年奏准每歲漕運以兩運赴京倉一運赴

通州倉交收

明會典

宣德二年令浙江江西湖廣並直隸蘇松等府起

運淮安徐州倉糧撥民自運赴通州倉其運糧軍士於淮安南京倉支運

明會典

四年仍令江西湖廣浙江民運糧一百五十萬石貯淮安倉蘇松寧國廬州池州安慶廣德民運糧二百七十四萬石貯徐州倉應天鎮江常州太平淮安揚州鳳陽及滁和二州民運糧二百二十萬石貯臨清倉令官軍支運山東河南北直隸府州縣糧徑赴北京其僨運軍船量地遠近與糧多寡

如淮安上糧民船十抽其一徐州十三抽一臨清

十五抽一給與官軍兼舊船運載赴京此兌運之

始

明會典

六年奏准浙江江西湖廣蘇松常鎮太平等府簽
撥民丁及軍多衛所添撥軍士與見運軍士通二
十四萬分兩班更替儕運

明會典

七年議准民運多失農月及官軍空船往還艱苦
著例民糧加耗腳各於附近水次兌與軍運

明會

典

南京江北府州縣糧於瓜洲淮安支兌

續文獻通

考

應天蘇州松江常州鎮江太平寧國池州廬州安慶每石加耗米五斗六升又兩尖米一斗共六斗六升內除四斗隨船作耗餘米二斗六升折銀一錢三分名二六輕齋今減去二升止徵二斗四升改為二四輕齋於內仍扣留銀一分鳳陽淮安揚

州徐州每石加耗米四斗六升尖米一斗共五斗
六升內三斗隨船作耗餘米二斗六升折銀一錢
三分名二六輕齋後改為二四脚米每石六升折
銀給運官同有司為買辦物料修船之費通會河
成省腳價始立減扣法扣留者以備修惠通河牘
量減者以寬民力

明會典

按此為兌運法

九年令官軍運糧五百萬石以三分為率通州倉

收二分京倉收一分

明會典

成化七年都御史滕昭議罷瓜淮兌運裏河官軍
雇江船於江南水次交兌民加過江之費

明會典

按此為改兌法

令瓜淮官軍過江兌運除加耗外每石添給腳米
六升改兌耗米應天蘇州松江鎮江廣德每石俱
三斗二升鳳陽淮安揚州每石俱二斗七升徐州
每石二斗二升以上各加耗內各折米二升易銀

一分名折易輕齋凡改兌俱無尖米盤剥之費

明

會典

二十年奏准河道淺阻糧運遲滯運到京者悉免
晒颺每石加耗米四升每石兌運該收耗米並免
晒颺米四升俱作正數支放

明會典

萬歷二年題准各處隨糧輕齋銀通解漕司內將
三分給運官其七分選定解官裝入標船星夜越
幫前進送通倉坐糧郎中秤過寄庫候該幫船到

驗給運官完糧

七年又令完掣通關之日查無掛欠亦便與運官

領回分給 附漕運總兵萬表云

糧運輕齋者即耗糧也先是耗糧俱

本色隨船候到灣崖車起糧則易銀為用後以灣中未價低昂不一而易賣又滯交納弘治十三年都御史張敷華都督郭宏方議折銀每石定價五錢可以輕齋就於交兌之時支領隨船此一六二六三六輕齋之名由始也然只令完納兌運三十萬石而已餘耗本折皆歸旗卒官固無利之者是故旗卒富饒糧運於斯為盛至正德六七年來京師榷要始有官債虛立文約逼奪輕齋而弊又從此生矣時各總運官多出其門牽引為害蓋借公物以為私賂希寵庇耳於是始有鞘封過淮

赴漕運衙門呈驗重封仍委官至張家灣過發之
蓋以革逼奪之弊而把總轄欽遂引責緣驗封查
算使用以羨餘獻之於官故又有扣除之例矣欽
雖即以賊敗而後之相繼者則用意算扣歲增其
數咸務多獻以為功太倉庫所積羨餘至盈數十
萬而官旗揭借賠費貽害不可勝言欽之倡始為
可罪也夫一六二六三六輕齎乃耗糧也惟因地
有遠近故耗有多寡非脚價也若脚價則一例矣
灣中起糧使用則各總皆同又何必分一六二六
三六之外復收其耗糧也豈制法之意乎後又添設
參將一員駐劄通州專一驗封參將王佐乃定脚
價搜括倉中使用如太監則有茶果錢如經歷倉
攢每石一釐則謂之釐兒錢及至吏書門官斗級
之類莫不定之以數每年造報花銷遂以為例先
年倉中使用初無定數每因人之狡懦而高下增

減之司使用之人又有虛數以欺衆者累至爭許
故此法一立一時人亦便之但使用公行太監茶
果又添火耗催茶果者又有班兒錢其經歷倉攢
往年各衛得以所帶本地貨物高價與之而今皆
紋銀且以此為應得又於數外求之為厚薄低昂
矣蓋作法於涼其弊猶貪作法於貪弊特焉止故
為法不可不慎

也
明
典
彙

是年題准每船許帶土宜六十石多者盡數入官
如遇淺起剥自備腳價

初內官監收白熟粳米科索無厭大率正糧一石
加費二石始獲批單至是以應天巡撫吳廷舉言

始令今後內官監收糧悉如故事每石加耗一斗不許分外多收軍餘人等有仍前巧立名色科索民財者如法究治

明典彙

九年議准漕司及各巡撫將江南五府應運白糧令各糧長仍雇五百料中船勿令夾帶私貨應得水脚當官議定先給一半其餘印封船過徐州總部官驗給又題准每歲解京白糧務點殷實糧戶正身解納不許棍徒包攬應用米數先儘本名如

有官戶銀米責令運送倉庫轉給領解以杜短少
賠累船隻許令糧長自雇五百料中船每百石定
給銀三十三兩埠頭等役悉行查革經過鈔關如
果止於土宜四十石免其納稅

明會典

附陳睿謨白糧解役疏略

竊惟國家財賦大半取
給江南江南力役重大

莫如糧解漕糧白糧兩解皆公儲也皆公役也然
漕糧係軍運軍係伍丁白糧係民運民運則照地
畝簽差名曰大戶夫惟以大戶充糧解其賠累有
莫可言者矣東南諸省如湖廣江西等府俱止有
漕糧無白糧即南直浙江惟蘇松常嘉湖五府獨
有白糧臣每見里中糧役收領正米外更有各項

名色官有管轄遂因其管轄而遞索之事有款項
隨時其款項而各科之運船未出江口而使費已
耗其大半矣用是不避怨嫌臚列四款一曰糧官
陋規當裁官常齎而糧解之節省無量矣一曰胥
役冗費當革需索少而糧解之輸納易辦矣一曰
沿塗阻壅當卹此又疏通糧務之一關鍵也一曰
包攬積姦宜懲此又區處解役之一權宜也

黃希憲改運白糧疏

糧為上供急需遞年簽點糧解春辦兌納相沿久矣過
因半為包掙侵漁半為胥役指索以及剝淺守凍
赴京交納等費動以千計遂至靡歲不遑無邑不
欠公家正額究無完納之期近奉聖諭渙領凡可
寬恤吾民者無不周悉臣撫此財賦重地目擊苦
役敢復隱忍膠柱不求長策乎近行蘇松道會同
常鎮道徹底講求思甦民裕國之策莫善於均徵
米而官運之官運則民無雇倩之費一便也官無徵

簽役之難二便也錢糧既自官支吏胥無從抽扣三便也在船皆官役船戶無敢凌虐四便也催償皆官事沿途無敢拋撇五便也况米屬均徵則苦樂之形不立巧拙之情自化糧不必詭寄飛灑差不必就易避難民心以厚民風以淳六便也然其中必當議者五焉凡白糧正耗春辦夫船等米一概算入平米之內派之此派糧之公可行也原編耗米之外另編加二以補沿途之消損以平米一石計之不過合勺而已此加耗之輕可行也民間辦糧盡數交倉無此漕彼白之分縣官就完米中擇其乾潔者交協部官動支春辦交割總部完辦奏則起行先可免漕艘阻壓之患此徵辦之速可行也運船向係民雇官運則必用官船計每船管船頭柁水手各安家衣資等項以及買辦色索遇淺起刺遇溜添釐等項計每船用米五十石用銀三百二十五兩以原編夫船貼役米計之除支外

未尚有餘以原編夫船貼役銀計之除儘支外銀尚不足以有餘之米當不足之銀臨時調劑是經費不煩增設矣至於管押起交侵盜漂失每船各有責成遇有虧欠立勒賠補懸大法以繩其後蓋既不可以復問糧里則人未有不愛惜性命者是責成不患無人矣茲據蘇常兩道牘列具詳臣亦無容更益而臣緯恤杞憂尚有不能已於言者語曰一法立一弊生外而衙蠹包棍內而部胥積歟引戶每視糧斛為奇貨今改為官斛未免拂其狼心必至多方阻撓或包棍潛入京師串通積役仍肆把持或引戶交構外奸偽造訛言動搖耳目有一於此皆足害成乞敕五城御史及緝事衙門凡遇此等即置重典庶姦賊一清而美利可久伏願軫此子遺穀然乾斷救部立覆舉行異日書之史冊將見九重如天好生之德與穹壤俱無極矣

國朝順治九年准總漕馬國柱疏請查黃屯丁審定運

軍附馬國柱疏

為運丁舊冊堪稽釐勾積獎宜剔
仲祈

聖

明備

賜採擇事臣聞凡事更張即起借端之弊前人有

例何難按籍而求如明朝用黃快船以裝貢物設

運船以乾漕糧事雖並重然黃快船丁係編審小

甲糧船運戶係食糧祖軍人實分途先是兩丁皆

以正身應役備受監局厥衛之騙害有寃無告嗣

據南北兵部堂屬群議疊疏奏請定為免役編銀

之法快丁每歲納銀一萬五千兩黃丁每歲納銀

二千二百兩徵解南兵部以為繕船募役之資此

萬歷十四六年兵部題准刻有船政新書可

據兩丁遵此而行非一日矣至於運軍承祖戶運

差凡有事故止於運差軍餘內撥補不得特黃快

船編丁掣出領運此萬曆二十一年兵部題准准至

崇禎四年南兵部尚書傅振商與漕運總督李侍
郎又將萬曆八年及四十六年老冊與運軍祖冊
運餘底冊逐月支糧冊徹底清查審定運軍一萬
八千六百六十名有見運旗甲有食糧運餘有清
出竄丁有空閒備補其間祖宗姓名子孫人數刻
有運冊新考可據運軍遵此而行亦非一日矣乃
值我朝創造方新舊弊叢生奸甲既思竄戶而息肩貪弁反
借勾查而居奇臣前聞總督漕臣沈文奎題疏及
部臣覆議慎重精詳深恐姦實運軍竄戶逃差致
悞悞國家漕務雖然臣謂此輩有敢竄之心無能竄之法
何也兩書在案運自運丁自丁固截然不容混也
臣思我皇上念念為民事事除害一切直省錢糧盡照萬曆年間
編派以絕額外濫加之弊則船政運冊亦萬曆年間

間臺省兵部幾經參駁而後成書使清查照此清查則載冊祖軍誰敢指鹿為馬簽運照此簽運則納銀船丁自難以羊代牛斬斷無數葛藤省盡許多騙詐矣臣謹繕疏奏

開 伏乞、
上敕 部詳議仍將原書發臣捐俸重刊頒布使軍丁世
守成規永戴

皇 仁可也仰祈
聖 明俯賜採擇

十一年六月奉

恩詔內開白糧民解仍以累民今後於該省漕糧船分帶
以甦官民之累應行事宜該督撫作速議奏經該督撫

以江南之官運民解久已相安漕船帶運不便仍照舊例按明季白糧簽派里民解運深為賠累自本朝定鼎後改民解為官解選府貳為總部縣佐貳為協部雇募民船裝運

十二年准倉場王永吉疏將笪夫葦把小封紙劄羨餘五項並防欠水腳行月三項全給官旗其買銷賣銷一槩禁革以杜葛藤

十四年戶部覆准江南白糧照浙省例抽選漕船

裝運

又准巡按御史秦世貞疏定漕糧官收官兌令各府州縣印官照派定區圖貯收在倉驗依准單交兌每正糧百石除正耗外加米五石銀五兩交與旗弁

十六年准巡按御史馬騰陞疏自今民戶各照應納糧米並耗贈及五兩五石儘數交納收糧官官隨收給串即發歸農俟旗船到次衛官竟與印官

糧官交兌軍民兩不相見則五兩五石之外無奇

求官收官兌之法為至便

附馬騰陞疏略

臣於去年題准

良法虛懸一疏業經嚴飭各屬盡一遵守矣恐將來不肖有司陽奉陰違仍復審簽糧役如蘇之公正糧長松之圖記典者常之里甲圖收一經簽定收漕責成漸復在民請自今秋旱定收漕各官開倉之日糧戶輸納即挨次交收無致臨兌雜沓縣官照條銀例先期印發糧串斛過糧米糧官即照數填給勿使糧戶伺候至如兌錢之通關每多勒指五兩五石之外曰順風曰花紅曰犒賞巧立名色恣意索取今議各州縣漕船聽候漕臣頒發全單給糧道開明某衛各船若干隻兌某縣米若干石該道頒發號單每單兌米一百石連加贈銀米交清即持一單著令衛官填註收數一船兌足即

出給水程勒令開幫是為節節剝絕使無勒捐通
關之弊再令糧道查照各屬額設義倉每倉領發
號簿義本特前各丁船開列在簿兌足即註明兌
足如過期不兌監兌推官周歷所至按簿責比旗
軍以杜愆期之弊更有駕軍沿途停泊竊取墳樹
種種等情許地方官嚴掣辭送糧道或兵巡守道
重懲其運官約束不嚴申報漕撫俟過淮之日創
治以禁在途生事倘水程限日遲延一並查處糧
艘可速進而延
候之弊亦除矣

又准科臣朱紹鳳以蘇松常鎮四府糧多路遠領
運旗丁不無常例雜費於五兩之外再加五兩其
江安等十一府州俱仍係五米五銀

漕糧正兌進京倉每正米一石加原帶耗米二斗
五升共一石二斗五升過壩進倉內收正米一石
又收耗米七升尖米四升二合又尖上加耗米二
合九勺四抄共一石一斗一升四合九勺入廄其
餘一斗三升五合六抄舊例聽作盤牘折耗及倉
中晒颺虧折此外有剩作該衛所餘米給還運軍
如正兌之米改進通倉加收五牘耗米五升康熙
十四年 題以運進京倉漕糧餘耗米內盤牘耗

米五升將三升收廩入正支銷以二升聽作各牘
折耗

漕米進通倉江寧府正兌米一石原帶耗米四斗
內交倉二斗五升餘一斗五升為旗丁盤耗改兌
米一石原耗米三斗內交倉一斗七升餘一斗三
升為旗丁盤耗淮揚海通並邳宿睢正兌米一石
原耗米三斗內交倉二斗五升餘五升為旗丁盤
耗改兌米一石原耗米二斗五升內交倉一斗七

升餘米八升為旗丁盤耗徐州正兌米一石原耗
米二斗五升全交倉改兌米一石原耗米二斗五
升內交倉一斗七升餘八升為旗丁盤耗安慶寧
國池州太平廬州六安正兌米一石原耗米四斗
內交倉二斗五升餘一斗五升為旗丁盤耗鳳陽
泗州潁州正兌米一石原耗米三斗內交倉二斗
五升餘五升為旗丁盤耗改兌米一石原耗米二
斗五升內交倉一斗七升餘八升為旗丁盤耗廬

州廣德改兌米一石原耗米三斗內交倉一斗七升餘一斗三升為旗丁盤耗

康熙十七年將蘇松常鎮贈銀裁減五兩二十年將蘇松常鎮四府所裁贈銀五兩內復給三兩五錢本年九月奉

上諭積貯為國家大計歲運漕米充實京倉最為緊要旗丁人等挽運勤勞宜加存恤朕頃巡行近畿至通惠河一帶見南來漕船旗甲人丁資用艱難生計窘迫深為

可憫若不預為籌畫恐其苦累難支以致沿途遲滯貽
悞倉儲所闊非細前以軍需浩繁漕運額設錢糧節行
裁減今行作何酌復款項爾部詳議具奏戶部議覆此
項銀米原係額設應給之款自今年起運十九年
起各省所裁減耗贈銀米俱行復給

二十五年糧船概定每船十丁又定三分本色蓆
片止徵解二分五釐減去五釐一並折銀與前七
分折色銀均解通濟庫

二十六年總督慕天顏題定漕船料價銀二百八兩七錢七分按漕船料價舊例各省多寡不一康熙二十一年監造副都御史色克德議令各省一例定價

四十三年令江省白糧照依漕糧幫船一例支給行月錢糧其漕贈銀米經費銀兩概行裁減

四十六年七月奉

旨旗丁領運照數全完者總漕獎賞額糧之外有多交者

計算米數並領運次數議敘

五十一年二月從總漕赫壽之請定漕政八款一令糧道親歷水次稽查如正耗等米有折乾清弊發覺該管官各照例處分仍将所折之米如數追賠一江南省糧船三千一百餘隻浙江省一千三百餘隻前後開行相隔千有餘里每省內派通判一員首尾不能稽查嗣後江南省派七員浙江省派三員每員押船四五百隻抵通以無欠與掛欠

之次數為升降一監兌官務令坐守水次將正耗
行月搭運等米逐船兌足親身督催到淮盤驗一
每幫設立千總二員輪流押運倘一弁留通一弁
事故則領運無人勢難兼顧請將候選千總揀選
三四十人發總漕衙門委派一次領運全完者遇
缺即行補授一江浙每年積欠之幫押運千總如
二運全完其次掛欠之幫三運全完別幫五運全
完皆准其即陞一定例一船十丁嗣後每船於本

丁兄弟子姪內再派一丁註入冊內隨船駕運如抵通掛欠留一丁追比一丁駕空回南設措完欠如到淮短少令一丁駕運北上一丁買米趕幫每幫十船連環保結一簽丁令千總保結報衛備府廳等官再行看驗加具印結如有掛欠千總守備仍照例處分外府廳糧道亦照掛欠多寡遞加罰俸一過淮違限一二月者仍照例處分外違限二月以上或七十日八九十日計日不計月分別議

處

五十二年准蘇撫張伯行疏江南漕船仍照原限
勒令正月以裡過淮

雍正元年十二月初九日奉

上諭漕船關係緊要除本船正副旗丁外其頭舵水手皆
應擇用本軍庶知守法不敢悞漕生事

二年五月初二日奉

上諭漕運關係甚大經費本無不敷而運丁恣行不法者

皆由官弁剝削所致嗣後各省糧道給發錢糧不許扣
尅分釐沿途武弁不許藉端需索運丁除包攬抗違外
所帶些須貨物亦無容苛刻盤查

三年六月二十日奉

上諭禁止漕船夾帶私鹽並火砲鳥鎗火藥等物

四年戶部議江安蘇松二糧道輪流一員押運過

臨

五年三月准部議將道庫實存錢糧照藩庫一例

每年春秋二季將實在所貯分別應存應解各款
盡數登明造冊報部聽候撥解京餉又糧道職司
漕運每歲例應押運過淮到通方得回任而經營
各項錢糧亦應比藩庫例添設庫大使一員凡倉
庫收放銀米責成稽查

十八日准漕臣張大有議自雍正五年為始漕運
船隻無論土著協運皆就向年原兌府屬止調本
府各邑水次運過三年另行調換白糧丁船於通

漕船內抽選堅固船隻無欠殷丁掣運五年更替令其少有贏餘以示獎勵

六年五月准部議浙江布政司高斌奏空重漕船北上南下非橫截河心即對停兩岸商民壅塞莫行偶或擦挫輒行索詐稍不遂意即肆咆哮應行文該管督撫轉飭沿河儕運文武官弁按入境出境日期時刻親身逐程挨查如仍蹈前弊即行嚴拏究治如該管少有疎縱累商或經查出或被首

告將沿途文武官員照例

題參議處

九月准滸墅關監督李秉忠請近有帶土宜六十石免稅之例但恐不肖運丁借端藏隱侵欺將貨分散各船或沿途包攬轉悞回空之期今回空糧船帶有梨棗及應行上稅之物仍令輸稅

十月

上諭自雍正己酉年為始江浙徵收漕米但擇乾圓潔淨

不必較論米色准令紅白兼收私梗並納著為定例

七年正月奉

上諭嗣後糧船過淮之時著派御史二員前往淮安專司稽查不許官吏人等向旗丁額外需索以致擾累其糧艘攜帶物件除照例許帶土宜外該旗丁如有夾帶私鹽及違禁等物者亦著該御史稽查但不得過於嚴刻吹求以致糧運遲滯

三月准江南狼山總兵官王安國請通州應徵漕

糧自雍正己酉年為始照額徵收貯倉改兌狼營
兵米就近支給將附近水次州縣應徵南米改抵

通州起運漕糧

五月奉

上諭土宜著於舊例六十石之外加增四十石准每船攜
帶一百石永著為例

十月准蘇撫尹繼善之請禁革徵收積弊酌定每
石收費六分折收制錢五十四文其行用小錢地

方即照大錢數扣算交收以一半給發旗丁一半
留給州縣再每漕一石止許收水脚錢五文其州
縣倉廩如離糧艘上兌之處十里以外者每十里
准加二文又災漕米石一體照新漕每石交費五
十四文惟水腳一項災漕陸續派兌挽運艱難准
比新漕加錢十文此外不許多勒粒米毫銀

十一月從總漕張大有之請部頒每省糧道鐵斛
各一俾得畫一遵守

八年正月奉

上諭浙江蘇松等屬應解三分本色松板著俱改徵折色令各該糧道彙解通濟庫以備採辦之用其湖廣江西安徽等處全解十分本色者著倉場侍郎嚴行稽查不許收板官吏勒索使費

三月十三日准御史竇啟瑛條奏及倉場侍郎岳爾岱涂天相等議嗣後州縣徵糧米預將各里各甲花戶額數的名填定聯三版串一給納戶執照

一給經承銷冊一存州縣查對按戶徵收對冊完納即行截給歸農其未經截給者即係欠戶該印官查摘追比若遇有糧無票有票無糧等情即係胥吏侵蝕立即嚴追行知各直省督撫轉飭所屬有漕州縣一體遵行

十一月奉

旨浙江省白糧係民間春辦江南百姓輸納糙米官為春白一應綱包搬運皆屬官辦其所有耗米束包等項俱著

照該撫尹繼善所請准其開銷

九年三月奉

上諭江南江淮興武二衛旗丁名下有應追鑽夫底料銀
十萬八千一百餘兩悉行豁免以示朕恩恤運丁之至
意附性桂疏略查江興二衛應追鑽夫底料一項荷蒙

特恩豁免該衛軍丁官弁感激誠切懼呼載道臣隨據情
叩謝

天恩
繕疏

題

達在案至查從前給發此項銀兩原由糧道給發
衙備轉各丁經管書役人等紙筆飯食之資各
丁不免亦有所費如浮冒虛銷扣剋分肥等弊臣

卷之十七
皇朝上諭
詳細客查定無確據嗣後倘蒙

上隆恩

仍准給發臣自當仰體

蒙

皇上加恩施惠務在受者得其實濟之至意嚴飭道衛凡
徒前旗丁所費匪規概行革除勒石永禁臣仍不
時密訪嚴查如有違犯或被旗丁告發官參吏處
治罪則旗丁均沾實濟而於成造大有裨益再查
旗丁成造漕船所領料價不敷又無贍田幫貼故
加鑽夫底料除鑽夫銀五兩原無增減其底料
一項係以十年計算每分銀五兩一錢若無底料
者則全給銀五十兩有零或有底料不足則照不
足分數補給是以合之鑽夫一項或有共給一百
兩有零者或有共給五十餘兩以及六七十兩八
十九兩不等者惟俟臨時查核底料乃有確數如

特恩嗣後仍照定例賚給自當臨時飭令道衛查明酌定
始發

江南通志卷七十七

欽定四庫全書

江南通志卷七十八

食貨志

漕運

二

國朝順治初原額漕糧正兌改兌正耗米二百二十三萬二千九百五十三石三斗四升七合有奇 白糧正耗春辦等米二十七萬一千六百一十二石

六合有奇

隨漕白項下本色米三十四萬二千二百八十石
九斗六升有奇 麥三萬七千八百一十七石八
斗五升一合有奇 豆五百六十石八斗七升八
合有奇 折色銀九十三萬二千五百七十一兩
五錢九分九釐有奇 本色三分蓆七萬七千一
百二十六領八分有奇

輪運千總一百七十二員隨幫百總六十七員丁
四萬六千七百三十七名內除減丁外實運丁四

萬一百一十九名五分船四千二百六隻內除減
存外實運船三千五百八十四隻九分

康熙二十二年額徵漕糧正兌改兌正耗米二百
二萬六百八十七石七斗八升八合有奇 白糧
正耗春辦等米一十萬五千八百四十六石八斗
八升四合有奇

隨漕白項下本色米三十三萬二千九百一十六
石九斗四升六合有奇 麥三萬四千六百四十

七石四斗一升五合有奇 豆與原額同 折色
銀九十萬二百三十九兩五錢二分五釐有奇
本色三分蓆六萬一百五十二領二分有奇

輪運千總隨幫百總俱與原額同丁四萬七百六十名三分船三千六百四十三隻九分

雍正十三年實在漕糧正改兌正耗米二百一十一萬五千六百三十一石一斗八合有奇 白糧
正耗米一十九萬三千七百八十三石五斗八升

二合有奇

內漕糧正改兌正米一百五十四萬八
十四石八斗一升二合有奇耗米五十

七萬五千五百四十六石二斗九升五合有奇

白糧正米一十五萬四百七十三石二斗一升九

合有奇耗米四萬三千三

百一十石三斗六升三合

隨漕白項下本色米三十九萬四千六百六十四

石八斗一升三合有奇

麥九萬二千八十石一

斗二升有奇

豆五千五十六石七斗八升一合

內贈貼五米一十萬四千二百七十四石六斗三

升一合有奇

行月米二十五萬一千一十四石

七斗四升七合

盤耗并運船水手食米三萬九

千三百七十五石四斗三升五合

行月麥九萬

二千八十石一斗二升有奇 月糧豆一千六
五石七斗六合 徐倉行月豆三千九百九十一

石七升 折色銀一百三萬七千七百四十兩一

錢三分一釐有奇 內贈貼銀一十七萬八千七百

八十九兩七分二釐有奇 輕

齋正捐蓆木板折旱腳船料等銀一十八萬四千

并新增

協濟等銀

一十一萬一千七百五十三兩

二錢五分二釐 六升米折銀三萬一千七百二

十八兩七錢二分六釐 裁扣幫官廩工銀二百

一十六兩

行月

凌修贍運等銀

一十一萬七千

五百九十兩七錢六分七釐 俸廩揚毫二倉屯

折支

利山河搬運

永減月糧

戶口鹽鈔等銀二萬

四十四兩二錢四分九釐 民七軍三銀一萬一千一百八十二兩二錢四分七釐有奇 改折灰

石銀三萬五千六十五兩一錢九分七釐各倉
損費銀一十一萬四千七百五十三兩六錢八分

八釐白糧經費銀一十萬四千五百六十
九錢三分裁存經費銀一十二萬七千六百九

兩二錢五分七釐

本色蓆五萬四千九百八領一釐有奇
奇松板九百五十九片八分一釐有奇

輪運千總一百三十員隨幫百總六十三員丁四
萬三百四十名船三千八百三隻

項
江安等處督糧道所轄各府州衛漕糧正雜等

國朝順治初原額漕糧正改兌正耗米六十八萬一千九百八十一石八斗三升有奇

隨漕項下本色米二十萬一千三百五十九石六斗五升一合有奇 麥二萬一千六十二石五斗七升五合有奇 豆五百六十石八斗七升八合有奇 折色銀二十五萬六千四百九十一兩三錢四分八釐有奇 本色三分席七萬七千一百二十六領八分有奇

輪運千總一百五十員隨幫百總五十九員丁三
萬九千四百九名內除減丁外實運丁三萬三千
三百九十名七分船三千五百五十八隻內除減
存外實運船二千九百九十隻一分

康熙二十二年額徵漕糧正改兌正耗米五十三
萬七千九百七十六石九斗三升五合有奇

隨漕項下本色米一十九萬二千八百三十一石
六斗二升八合有奇 麥一萬八千一百石三斗

七升二合有奇 豆原額同 折色銀二十三萬
四千八十七兩五錢八分八釐有奇 本色三分
蓆六萬一百五十二領二分有奇

輪運千總隨幫百總俱與原額同丁三萬四千三
十一名五分船三千四十九隻一分

雍正十三年實在漕糧正改兌正耗米五十七萬

八千五百八十五石一斗四合有奇

內正改兌正
米四十三萬

五千五百八十四石四斗一升八合有奇耗
未一十四萬三千石六斗八升六合有奇

隨漕項下本色米二十一萬一千三百三十七石

三斗六升九合有奇 麥七萬五千五百一十三

石二斗四升八合有奇 豆五千五十六石七斗

八升一合

內漕贈五米二萬七千四百二十三石
二升七合有奇係隨漕給丁沿途濟運

之項

行月米一十六萬九千六百二十二石六
斗六升九合係動放江興新宣等衛各幫丁行月

之項

鳳淮二倉米一萬四千二百九十一石六
斗七升三合內除動放廬鳳等衛各幫丁行月外

餘剩解部

月糧麥二萬七百四十一石六斗七
升四合係動放廬鳳淮揚等衛各幫丁月糧之項

鳳淮徐三倉麥五萬四千七百七十一石五斗六
升四合內除動放廬鳳等衛各幫丁行月外餘剩

辭部 月糧豆一千六十五石七斗六合係動放淮大二衛各幫丁月糧之項 徐倉豆三千九百九十一石七升五合內除動放廬鳳等衛各幫丁行月外餘剩解部 折色銀三十

八萬五千七百六十八兩六錢六分一釐有奇 内

贈五銀二萬七千四百二十三兩二分七釐有奇
係隨漕給丁沿途濟運之項 輕齋蓆折旱腳船
料等銀四萬七百一十四兩六釐有奇內除解通
銀一萬八千餘兩并湊放造船料價行月外餘銀
解部 加漕裁扣等銀七萬六千二百九十兩九
錢八分四釐係動放江興各幫行月之項 新增
銀二萬八千三百九十四兩九錢八分四釐係動
放江興各幫官丁俸廩行月之項 協濟銀七千
六十七兩一錢八分四釐係給放江興各幫造船
鑽夫底料之項 六升米折銀二萬四千八百一百一

十五兩二錢二分三釐係動放江興新安等衛各
幫丁漕船之項行月湊修等銀四萬六千九百
七十兩四釐係動放新安等衛各幫丁行月湊修
漕船之項俸廩揚毫二倉屯折支利山河搬運
永減月糧戶口鹽鈔等銀二萬四十四兩二錢四
分九釐聽候撥給蓮丁濟運餘剩解部鳳倉米
參損費等銀七萬九千二百九兩五分六釐淮倉
參折損費等銀一萬三千三百五十八兩九錢九
分徐倉銀二萬一千四百八十兩八錢五分四釐
以上三倉銀內除動放蘆鳳等衛各幫丁行月外
餘剩本色蓆五萬四千九百八領一釐有奇松
板九百五十九片八分一釐有奇

輪運千總一百一十員隨幫百總五十三員丁三

萬四千四百五十名船三千二百一十四隻

江寧府

額徵漕糧正改兌正米六萬二千六十四石七斗
五升八合耗米二萬三千四百八十三石四斗一
升五合

隨漕雜項米共三萬五千八百五十六石九斗六

升八合

內贈貼米四千二百七十七石四斗八合
南屯行月米三萬一千五百七十九石五

升六斗銀三萬六千一百九十五兩二錢八分六

釐

內贈貼銀四千二百七十七兩四錢八釐輕
齊蓆折并五釐蓆銀四百五十一兩二錢八分

釐

全裁書辦工食銀一千一百九十一兩六
錢協濟安慶衛半折行月銀二百二十三兩三

錢

五分四釐加漕銀八千二百一十七兩六錢
三分二釐新增銀一萬四千八十七兩五錢二

分五釐

黃快三則屯糧協濟銀三千五百九兩

三分五釐

江寧廠料銀一千四百三十二兩四

三錢九釐

六升過江未折銀

本色蓆七千

錢一分二釐

二千八百四兩七錢四分九釐

七百五十八領六釐本色松板二百四十八片六

分

安慶府

額徵漕糧正兌米五萬九千一百五十四石七斗
六升八合耗米二萬三千六百六十一石九斗七
合有奇

隨漕雜項米共一萬四千七百二十九石六斗六
合有奇 麥二千四百三十七石二斗一升三合

內贈貼米二千九百五十七石七斗三升八合零
安慶衛行月米一萬一千七百七十一石八斗六

升八合 協濟廬州府月糧本色麥
二千四百三十七石二斗一升三合 銀四萬四

千八百一十三兩有奇

內贈貼銀二千九百五十
七兩七錢三分八釐有奇

輕齋 萬折并五釐席銀七千九百一十一兩九錢
五分 全裁書辦工食銀一千七百九十四兩四
錢 民七軍三料價并魚課萬師海防房地等銀
三千九百一十六兩二錢七分一釐 安慶衛行
月銀八千七十六兩六錢一釐 扣守千現候改
品俸薪銀七十兩一錢 協濟廬州府月糧奉折
銀九百九十六兩八錢六釐 紿守千現候俸廉
工銀三百七十八兩七錢六釐 凤倉麥未折銀
一萬八千七百一十
兩四錢二分八釐 本色席七千三百九十四

領三分四釐有奇本色松板三百二片三分四釐
有奇

徽州府

額徵南米二萬二千九百四十八石九斗

隨漕雜項銀共七千四百六十八兩七錢二分八

釐

內行月銀四千一百七十五兩一釐
辦工食銀一千七百一十六兩四錢

金裁書
民七軍

三料價銀一千五百七
十七兩三錢二分七釐

寧國府

額徵漕糧正兌米三萬石耗米一萬二千石

隨漕雜項米共一萬四千八百三十二石七斗二

升二合

內贈貼米二千一百石
六十三石二斗二升二合
南米九千二百
宣州衛行月

未三千四百六
十九石五斗 銀一萬三千九百八十兩二錢

三分七釐

內贈貼銀二千一百兩
五釐蓆銀四千一十二兩
輕齋蓆折并全裁

書辦工食銀一千七百一十兩四錢

料價銀七百四十七兩一錢一分六釐
民七軍三行月并

湊修漕船銀三千七百二十八兩一錢四分七釐

山河搬運銀八十二兩五錢七分五釐
鳳倉麥

折銀一千六百兩

本色蓆三千七百五十領本色松板

一百五十三片三分三釐

池州府

額徵漕糧正兌米二萬五千石九斗四升九合耗

米一萬石三斗七升九合

隨漕雜項米共一萬五百八十六石五斗一升四

合有奇

內贈貼米一千七百五十石六升六合有奇
南米五千一百七十七石九斗四升

八合
千六百五十八石五斗
新安衛行月米三

銀一萬二千三百一

十八兩一錢三分八釐有奇

內贈貼銀一千七百
五十兩六分六釐有

奇輕齋蓆折并五釐蓆銀三千三百五十
一錢二分六釐有奇裁扣書役工食銀一千六

百七十四兩四錢建東二縣歸併饒撫南三衛
所屯米折正贈共銀五千五百四十兩五錢四分

本色蓆三千一百二十五領一分一釐有奇

釐六

本色松板一百二十七片七分八釐有奇

太平府

額徵漕糧正兌米一萬七千石耗米六千八百石

隨漕雜項米共九千二百六十石

內贈貼米一千一百九十九石

行月米八千七十石

銀一萬五千七百六十七兩六錢七

釐

內贈貼銀一千一百九十九兩

輕齋席折并五

釐

席銀二千二百七十三兩七錢五分全裁

書辦工食銀

一千二百六兩八錢

新增銀四百

八

十九兩八錢六分三釐

黃快三則毛糧協清

銀八兩八錢三分二釐

民七軍三料價并本府

豐濟倉餘利行月抵充料價共銀一千八百九十一

五兩七錢五分三釐 本府支利行糧米折銀三
百八十四兩七錢四分二釐 行月銀五千九百
一十七兩八錢六分七釐 凡念麥折銀二千四百兩 本色蓆二千一百二

十五領本色松板八十六片八分八釐

廬州府

額徵漕糧正改兌正米一萬一千五百六十一石
耗米四千四百二十八石八斗

隨漕雜項米共一萬五千四百三石四斗三升三

合麥二百二十七石三斗四升六合

內贈貼米七百九十九石

四斗九升 月糧米一萬二千八十二石七斗九
升九合 淮倉本色米二千二百九十三石七斗

升六合 凤倉本色麥二百二十七石三斗四升
升六合 凤倉本色麥二百二十七石三斗四升

合六 銀八千三百六十九兩八錢四分二釐貼銀贈

七百九十九兩四錢九分 輕齋旱腳蓆折并五
釐蓆攤帶共銀二百六十三兩九分八釐 全裁

書辦工食銀一千三百六兩四錢五分五釐 新
增銀九百七十七兩五錢二分九釐 黃快三則

屯糧協濟銀五百一十九兩五分九釐 六升遇
江米折銀二百一十九兩 月糧銀三千七百四

十三兩二錢六分二釐 清江礮造船銀八十兩
一錢二分 凤倉來米折銀四百六十一兩八錢

二分 九釐 本色蓆一千四百四十五領一分二釐

鳳陽府

額徵漕糧正改兌正米一萬八千九百四十八石
六斗六升九合耗米五千二百六十三石七斗四

升二合

隨漕雜項米共一萬八百九十九石六斗三合有
奇麥八千六百三十二石一斗一升三合

內贈貼
米九百

四十七石四斗三升三合有奇
月糧米一千五
百四十九石九升一合
鳳倉本色米八千四百
三石七升九合
月糧麥一千九十九石三斗九
升九合
淮倉半本麥二百五石一斗五升
鳳

愈本色麥七千三百二十七石五斗六升四合

銀一萬六千四百二十

六兩七錢二分七釐有奇

內贈貼銀九百四十七兩四錢三分三釐有奇

糧齋旱腳并五釐席折共銀二百五十三兩六錢九分九釐全裁書辦工食銀一千一百八兩七

錢五分二釐新增銀一千四百三十九兩五錢七分黃快三則屯糧協濟銀一百六十八兩一

錢三分六釐戶口鹽鈔銀一千一百七十七兩七錢五分八釐廣濟倉麥米折銀二百七十七兩

雨四錢二分七釐月糧銀二千二百八兩一錢七分三釐江寧廠造船銀二百四兩五分七釐

清江廠造船銀二百六十二兩二錢九分二釐淮倉半折麥銀八百五十三兩八錢二分五釐

鳳倉麥米折銀七千五百二十五兩六錢五釐

本色席二千三百六十

八領五分八釐

淮安府

額徵漕糧正改兌正米四萬四千六百六十一石
五斗九升三合耗米一萬一千七百八石七斗七
升

隨漕雜項米共四千七百五十九石六斗五升五
合麥七千三百八十五石五斗二升六合豆五百
三十二石八斗五升三合內贈貼米二千八百一
十八石五斗一升八合

淮大泗三衛月糧并陞科米一千九百四十一石
一斗三升七合 淮大泗三衛月糧并陞科麥二

四十九百六十二石七斗八合 淮倉半本麥四千
四百二十二石八斗一升八合 淮大泗三衛月

糧豆五百三十二石八斗五升三合 銀一萬九千一百七十二兩二

錢四分四釐

內贈貼銀二千八百一十八兩五錢一分八釐

二百五十一兩一錢二分六釐 輕齋蓆折并五釐蓆銀一千三百九十二兩一分六釐

四兩五分二釐 加漕銀二千九百五十一兩二
錢九分二釐 協濟銀五錢 鹽城縣屯折俸工

銀一十一兩八錢五分七釐 淮大泗三衛月糧
銀二千六百四十八兩四釐 永減月糧銀四百

八十七兩九錢六分二釐 清江廠造船料銀三百五
十八兩一錢一分六釐

六兩六錢二釐淮倉半折麥并地租共銀一千九百二十五兩九錢七分二釐鳳倉麥米折銀六十八十四兩二錢二分七釐本色蓆五千五百八十二領六

分九釐

揚州府

額徵漕糧正改兌正米六萬七千八百二十五石二斗四升一合耗米一萬九千五百七十石三斗六升六合

隨漕雜項米共六千四百五十四石六斗三升七

合有奇麥六千五百八十六石一斗九升九合

贈內

貼米四千三百六十九石七斗八升有奇
衛月糧米一千八百七石五斗九升六合
揚州淮倉

本色米二百七十七石二斗六升一合
衛月糧麥三千二百六十七石八斗七升二合
揚儀二

淮倉本色麥三千三百一十八石三斗二升七合

銀二萬六十兩五釐

有奇內贈貼銀四千三百六十九兩七錢八分有奇
輕齋旱脚并五釐席銀一千二百九十一

一兩七分五釐
新增銀二兩五錢五分
裁扣工食銀一千五百四十五兩二錢八分
加漕銀

四千五百七十二兩二錢六分
協濟銀一十兩一錢五分
亳州倉麥折銀六十

兩
一錢八分七釐
揚州衛月糧并永減月糧銀一千五百六

兩
一錢八分七釐
陞科月糧款內裁扣工食銀一

十一兩八錢三分七釐 運隨俸廉工銀一千一百八十二兩八錢三分五釐 江寧廠船料銀一百八十四兩九錢六分九釐 清江廠造船銀五百三十二兩 淮倉麥折銀一千三百二十八兩六錢四分三釐 凤倉米折銀三千四百六十二兩四錢三分九釐 本色蓆八千

四百七十八領一分五釐有奇

徐州府

額徵漕糧正改兌正米五萬一千三十二石五斗七升四合有奇耗米一萬二千四百八十七石一斗六升八合有奇

隨漕雜項米共三千四百一石一斗八升八合有

奇麥二萬二百二十九石三斗九升四合

內贈貼米三千

一百七十五石九斗八升七合有奇
衛月糧并陸科米二百二十五石二斗淮大泗三

八千二百一十石九斗四升五合淮大泗三衛
月糧麥并陞科麥一千七百三十六石九斗二升

淮倉本色麥一萬二百八十一石五斗二升九合

銀三萬七千四百五

十四兩五錢七分一釐有奇

內贈貼銀三千一百
七十五兩九錢八分

七釐有奇輕齋船料并五釐蓆銀八百五十七
兩六錢七分九釐全裁書辦工食銀一千五百
六十二兩一錢四分五釐揚毫二倉麥折銀一
千三百七十七兩七錢八分一釐徐倉銀二萬

一千四百八十兩八錢五分四釐 淮太泗三衛
月糧銀一千三兩四錢五分七釐 永減月糧銀
六百三兩五錢二分 遷隨俸廉工銀二百七十
八兩九錢八分八釐 江寧廠造船銀七十三兩
五錢八分七釐 清江廠造船銀六十八兩六錢
八分八釐 淮倉麥折銀三千四百三十八兩八
錢八分七釐 凤倉麥米折銀三
千五百三十二兩九錢九分八釐 本色蓆六千

三百七十九領七釐有奇

潁州府

額徵漕糧正改兌正米八千九百九十石八斗九
升四合有奇耗米二千四百六十五石七斗九升

五合有奇

隨漕雜項米共八百一石七升有奇麥一千四百

五十七石六斗二升一合

內贈貼米五百一十二石八斗九升一合有奇

限念本色米二百八十八石一斗七升九合淮
倉半本麥一百七十四石三升二合鳳倉本色

麥一千二百八十三石五斗八升九合

銀三千三百六十三兩六

錢五分六釐有奇

內贈貼銀五百十二兩八錢九分一釐有奇

輕齋旱脚蓆折

并五釐蓆折共銀一百四十七兩一錢九分四釐

全裁書辦工食銀八百三兩三錢三分一釐戶

口鹽鈔銀六百七兩三錢一分七釐給宿州衛
二幫運官俸工銀九十九兩清江廠造船銀一百

八十一兩一錢四分五釐 淮倉半折麥銀六十
九兩六錢一分三釐 凤倉米麥并月糧折銀九
百五十二兩一錢六分五釐 本色蓆一千一百二十三領八

分五釐有奇

海州併屬

額徵漕糧正改兌正米一萬七千一百八十三石
三斗三升二合有奇耗米四千三百七十六石一
斗四升

隨漕雜項米共二千九十六石一斗六升二合有

奇麥九千九百六十二石四斗六升五合

米一千
內贈貼

七十七石九斗七升三合有奇

月糧并陞科米

月糧并陞科麥

并陞科麥

一千一十八石一斗八升八合

銀一萬

銀一萬

五千二十石六斗八升九合淮倉本色

全裁書

全裁書

一千一百四十一兩三錢七分二釐有奇

銀一千
內贈貼

銀一千
內贈貼

七十七兩九錢七分三釐有奇

輕齋旱腳蓆折

全裁書

全裁書

并五釐蓆銀四十二兩六錢四分八釐

揚倉麥折

全裁書

全裁書

辨工食銀三百七兩九錢四分一釐

月糧銀三千一百

月糧銀三千一百

月糧銀三千一百

銀八十六兩八錢一分二釐

月糧銀三千一百

月糧銀三千一百

月糧銀三千一百

二十兩五錢八分二釐

永減月糧銀四百二十

永減月糧銀四百二十

永減月糧銀四百二十

九兩八錢二分七釐

江寧廠造船銀八十四兩

江寧廠造船銀八十四兩

江寧廠造船銀八十四兩

六錢三分六釐

清江廠造船銀一千兩

清江廠造船銀一千兩

清江廠造船銀一千兩

分五釐

淮倉麥折銀一千五百九十七兩

淮倉麥折銀一千五百九十七兩

淮倉麥折銀一千五百九十七兩

六錢三分六釐

清江廠造船銀一千兩

清江廠造船銀一千兩

清江廠造船銀一千兩

七釐鳳倉麥米折銀四千三百八十三兩六分一釐

本色蓆二千一百

四十七領九分一釐有奇

通州併屬

額徵漕糧正改兌正米六千七百三十六石五斗
四升七合耗米一千九百九十九石三斗一合

隨漕雜項米共一千九百二十六石六斗二升七
合 麥四千八百四十八石五斗二升九合

內贈
貼米

四百三十六石七斗九升二合 月糧并陞科米
一千四百八十九石八斗三升五合 月糧并陞

科麥二千九百一十九石一斗七升九合
淮倉本色麥一千九百二十九石三斗五升

銀

一萬九十二兩四錢八分一釐

內贈貼銀四百三十六兩七錢九分

二釐

輕齋旱腳并五釐席銀二百八十九兩三

一錢二分

月糧銀一千三百五兩二錢三分四

釐

永減月糧并陞科銀一百五十五兩九錢四

五兩八錢五分三釐

月糧款內裁廉工并廠軍口糧銀三百六十

五兩八錢五分三釐

門軍口糧土兵工食共銀

一千四百二十九兩八錢九分八釐

亳州倉麥折銀六十三兩三錢三分六釐

俸廉工銀三百五十兩一

錢五分六釐 清江廠造船銀四十二兩八錢六分五

釐 淮倉麥折銀七百七十三兩八錢四分八釐

鳳倉米折損銀三千九百八十七兩二錢四分六釐

本色席一千三百三領一分

滁州併屬

額徵隨漕雜項米共七千一百一石一斗八升三

合

內南米六百一十六石
十四百八十五石一斗八升三合

屯米六
銀九千六

百九十三兩八錢六分二釐

內全裁書辦工食銀
五百六十兩六錢

五釐

新增銀六十七百六十六兩五錢六分八

五釐
黃快三則毛糧協濟銀一千五百三十七兩

六錢八分九釐

清江廠造船銀一

六錢八分九釐

鳳倉麥折銀八百六兩

和州併屬

額徵隨漕雜項米共八千八百一十七石八斗七

升八合

內行月并不敷米四千三百五十一石五斗
南米九百九十九石一斗二升五合

屯米三千四百六十
七石二斗五升三合

銀七千四百三兩一錢一

分七釐

內全裁書辦工食銀四百一十二兩四錢
新增銀四十一百三兩一分三釐 黃快

三則屯糧協濟銀八百六十九兩一錢四分六釐

行月并竹蓆銀二千一十八兩五錢五分八釐

廣德州併屬

額徵漕糧正改兌正米八千石耗米二千四百石

隨漕雜項米共一千二百四十石九斗

內贈貼米五百二十

石南米七百
二十石九斗

銀一千五十四兩四錢

內贈貼銀五百

二十兩 蕃折易米并五釐 蕃共銀一百一十
兩 全裁書辦工食銀四百二十四兩四錢

本色蓆一千領本色松板四十片八分八釐

六安州併屬

額徵漕糧正米二千五百八十四石七斗八升四
合耗米一千三十三石九斗一升三合

隨漕雜項米共三千三百一十九石五斗六升六

合內贈貼米一百八十石九斗三升四合月
糧米三千一百三十八石六斗三升二合

銀二千一百四十七兩一錢七分五釐內贈貼銀
一百八十

雨九錢三分四釐 輕齋旱脚蓆折并五釐蓆銀

九十四兩二錢六分 全裁書辦工食銀五百二

十二兩七錢八分五釐 月糧銀一千一十三兩

九錢六釐 清江廠造船銀三百三十五兩二錢

九分 本色蓆三百二十二領九釐

泗州併屬

額徵漕糧正改兌正米四千八百三十九石三斗
七合耗米一千三百二十石九斗九升三合

隨漕雜項米共一千四十三石八斗二升六合麥
二千七百七十一石八斗四升五合

內贈貼米三百八石一升

四合 淮倉本色米七百三十五石八斗一升二合 淮倉半本麥二十二石一斗二升四合 鳳

倉本色麥二千七百四十九石七斗二升一合

銀四千一百一十九兩

四錢七分九釐

內贈貼銀三百八兩一分四釐輕齋船料旱腳蓆折并五釐蓆銀

四十一兩八錢三分六釐 新增銀五百一十五兩八錢四分四釐 黃快三則屯糧協濟銀四百

三十九兩六分五釐 全裁書辦工食銀四百五十九兩九錢五分四釐 加漕銀八百七十一兩

六錢四分八釐 戶口鹽鈔銀三十八兩六錢五分三釐 廣濟倉麥米折銀八百七十六兩九錢五

八分二釐 江寧廠造船銀三十四兩三錢八分六釐 清江廠造船銀二十八兩 淮倉半折麥

銀二百一十五兩五錢七分一釐 凤倉本色
麥米折銀二百八十九兩五錢二分六釐

蓆六百四領九分一釐

蘇松常鎮太五府州加漕裁扣南米等項

解江安等

處督
糧道

雍正十三年額徵隨漕雜項米共三萬三千二百五十七石八斗七升九合麥共三百一十六石四斗銀共八萬六千六百二十六兩四錢二分六釐

蘇州府屬

南米一萬四千三百三十三石七斗七升八合

裁扣工食并協濟銀四千四百一十七兩四錢六分一釐

過江六升米折銀一萬二千二百五兩六錢五分

九釐

鳳倉麥米折銀五千三百二十三兩九錢三分一

釐

松江府屬

裁扣工食并地丁銀二千九百四兩七錢六分三

釐

鳳倉麥折正損銀五千一百二十九兩四分七釐
淮倉米折正損銀三十二十八兩九錢六分四釐

常州府屬

南米四千九百石二斗五升七合

淮倉麥三百一十六石四斗

裁扣書識工食銀一千七十五兩二錢

過江六升米折銀五千二百七十一兩五錢一分

一釐

淮倉麥折銀一百二十六兩五錢六分

鳳倉麥折正損銀六千三百二十八兩四錢三分

七釐

鎮江府屬

南米八千七百六十九石八斗八升九合屯米二
十九石二斗

裁扣工食銀九百二十八兩六錢一分三釐

新增銀一十二兩五錢二分二釐

黃快屯糧協濟銀五兩三錢九分八釐

過江六升米折銀四千三百一十四兩三錢四釐
輕齎抵充船料銀七百八十七兩六錢

鳳倉麥折損費銀三千八百八十四兩七錢七分

五釐

協濟安慶衛行月銀八十一兩九錢二分六釐

太倉州併屬

南米五千二百二十四石七斗五升五合

加漕銀二萬六千五百六十九兩四錢四釐

裁扣工食并地丁銀二千三百八十三兩一錢九

分二釐

鳳倉麥米折銀一千八百四十七兩一錢五分九

釐

蘇太鎮金鎮五衛裁扣工食銀

係解江安等處督糧道

雍正十三年額徵隨漕銀共三百二十二兩六錢

二分六釐

蘇州衛裁扣書識工食銀五十兩三錢三釐

太倉衛裁扣書識工食銀四十九兩五錢三分五

釐

鎮海衛裁扣書識工食銀五十七兩一錢八分八

釐

金山衛裁扣工食銀一百兩八錢

鎮江衛裁扣工食銀六十四兩八錢

江興等衛官丁船隻等項

江淮衛額設九幫輪運一十八員隨幫九員丁七
千二百二十六名船六百二隻

雍正十三年頭幫兌運蘇州府屬漕糧輪運二員
隨幫一員屯丁原派四百六十八名內灰灑荒減
丁三十六名實四百三十二名淺船原派三十九
隻內減存船三隻實三十六隻又原十六幫今改
頭幫屯丁原派六百名內灰灑荒減丁四十八名

實五百五十二名淺船原派五十隻內減存船四
隻實四十六隻

二幫兌運太倉州屬漕糧輪運二員隨幫一員屯
丁原派五百四名內灰灑減存丁三十六名實四
百六十八名淺船原派四十二隻內減存船三隻
實三十九隻又原三幫今改二幫屯丁原派五百
八十八名內灰灑荒減丁四十八名實五百四十
名淺船原派四十九隻內減存船四隻實四十五

隻

三幫兌運鎮江府屬漕糧輪運二員隨幫一員屯
丁原派三百九十六名內原江淮右衛丁二百一
十六名上元右衛丁一百八十名今灑帶減存丁
二十四名實三百七十二名淺船原派三十三隻
內原江淮右衛船一十八隻上元右衛船一十五
隻今減存船二隻實三十一隻又原八幫今改三
幫屯丁原派四百八名內灑帶減存丁二十四名

實三百八十四名淺船原派三十四隻內減存船
二隻實三十二隻

四幫兌運蘇州府屬漕糧輪運二員隨幫一員原
五幫屯丁原派七百三十二名內灰灑荒減丁六
十名實六百七十二名淺船原派六十一隻內減
存船五隻實五十六隻又原六幫今改四幫屯丁
原派四百九十二名內灰灑荒減丁四十六名實
四百四十六名淺船原派四十一隻內減存船四

隻實三十七隻

五幫兌運松江府屬漕糧輪運二員隨幫一員原
七幫屯丁原派六百八十四名內灰灑減存丁四
十八名實六百三十六名淺船原派五十七隻內
減存船四隻實五十三隻又原十三幫今改五幫
屯丁原派三百六十名內灰灑減存丁二十四名
實三百三十六名淺船原派三十隻內減存船二

隻實二十八隻

六幫兌運江寧鎮江二府屬漕糧輪運二員隨幫
一員原九幫屯丁原派四百八名內灑帶減存丁
二十四名實三百八十四名淺船原派三十四隻
內灑帶減存船二隻實三十二隻

七幫兌運松江府屬漕糧輪運二員隨幫一員原
十幫屯丁原派四百二十名內灰灑減存丁三十
六名實三百八十四名淺船原派三十五隻內灰
灑減存船三隻實三十二隻又原十一幫今改七

幫屯丁原派五百四名內灰灑坍減存丁三十六
名實四百六十八名淺船原派四十二隻內灰灑
坍減船三隻實三十九隻

八幫兌運松江府屬漕糧輪運二員隨幫一員原
十二幫屯丁原派六百名內灰灑減存丁三十六
名實五百六十四名淺船原派五十隻內灰灑減
存船三隻實四十七隻

九幫兌運江寧府屬漕糧輪運二員隨幫一員原

十四幫屯丁原派二百四十名內灘帶減存丁三十六名實二百四名淺船原派二十隻內灘帶減存船三隻實一十七隻又原十五幫今改九幫屯丁三百八十四名淺船三十二隻

興武衛

額設九幫輪運一十八員隨幫九員丁六千九百八十四名船五百八十二隻

雍正十三年頭幫兌運鎮江府屬漕糧輪運二員

隨幫一員屯丁三百四十八名淺船二十九隻

二幫兌運江寧府屬漕糧輪運二員隨幫一員屯

丁原派三百九十六名內灘帶減存丁二十四名

實三百七十二名淺船原派三十三隻內灘帶減

存船二隻實三十一隻又原九幫今改二幫屯丁

原派二百六十四名內灘帶減存丁一十二名實

二百五十二名淺船原派二十二隻內灘帶減存

船一隻實二十一隻

三幫兌運松江府屬漕糧輪運二員隨幫一員屯
丁原派六百名內灰灑減存丁三十六名實五百
六十四名淺船原派五十隻內灰灑減存船三隻
實四十七隻又原四幫今改三幫屯丁原派四百
八十名內灰灑減存丁二十四名實四百五十六
名淺船原派四十隻內灰灑減存船二隻實三十
八隻

四幫兌運松江府屬漕糧輪運二員隨幫一員原

五幫屯丁原派六百一十二名內灰灑減存丁四十八名實五百六十四名淺船原派五十隻內灰灑減存船四隻實四十七隻又原六幫今改四幫屯丁原派三百四十八名內灰灑減存丁二十四名實三百二十四名淺船原派二十九隻內灰灑減存船二隻實二十七隻

五幫兌運太倉州屬漕糧輪運二員隨幫一員原七幫屯丁原派四百五十六名內灰坍減存丁三

十六名實四百二十名淺船原派三十八隻內灰
坍減存船三隻實三十五隻又原十一幫今改五
幫屯丁原派四百四十四名內灰灑減存丁三十
六名實四百八名淺船原派三十七隻內灰灑減
存船三隻實三十四隻

六幫兌運蘇州松江二府屬漕糧輪運二員隨幫
一員原八幫屯丁原派七百三十二名內灰灑坍
減丁四十八名實六百八十四名淺船原派六十

一隻內灰灑坍減船四隻實五十七隻又原四幫
今改六幫屯丁原派四百八名內灰灑坍減丁二
十四名實三百八十四名淺船原派三十四隻內
灰灑坍減船二隻實三十二隻

七幫兌運松江常州二府屬漕糧輪運二員隨幫
一員原十幫屯丁原派四百二十名內灰灑減存
丁三十六名實三百八十四名淺船原派三十五
隻內灰灑減存船三隻實三十二隻又原五幫今

改七幫屯丁原派三百一十二名內灰灑減存丁二十四名實二百八十八名淺船原派二十六隻內灰灑減存船二隻實二十四隻

八幫兌運松江府屬漕糧輪運二員隨幫一員原十二幫屯丁原派五百八十八名內灰灑減存丁四十八名實五百四十名淺船原派四十九隻內灰灑減存船四隻實四十五隻又原十三幫今改八幫屯丁原派五百四十名內灰灑減存丁二十

四名實五百一十六名淺船原派四十五隻內灰
灑減存船二隻實四十三隻

九幫兌運江寧府屬漕糧輪運二員隨幫一員原
十六幫屯丁二百八十八名淺船二十四隻又原
十七幫今改九幫屯丁原派二百四名內灑帶減
存丁一十二名實一百九十二名淺船原派一十
七隻內灑帶減存船一隻實一十六隻

安慶衛

額徵行月銀二千六百七十二兩九錢一釐

額設二幫輪運四員隨幫二員丁一千一百一十

名船一百一十二隻

雍正十三年二幫俱免運安慶府屬漕糧

前幫輪運二員隨幫一員屯丁原派七百八十名
內減存零船丁二百二十名實五百六十名淺船
原派七十一隻內暫減船一十五隻實五十六隻
後幫輪運二員隨幫一員屯丁原派七百六十八

名內減存零船丁二百一十八名實五百五十名
淺船原派七十隻內暫減船一十五隻實五十五
隻

新安衛

額徵隨漕銀三千四百四兩一錢九分五釐

裁書內全

辦工食銀六十六兩行月并軍三料價等銀三千一百九十四兩一錢九分五釐給運隨俸廉

工銀一百四十四兩

額設一幫輪運二員隨幫一員丁四百六十名船

四十六隻

雍正十三年池州幫兌運池州府屬漕糧輪運二員隨幫一員屯丁原派五百八十名內灘帶減存丁一百二十名實四百六十名淺船原派五十八隻內灘帶減存船一十二隻實四十六隻

宣州衛

額徵隨漕銀五百二十九兩五錢四分

內全載書
辦工食銀

四十八兩
軍三料價銀三百二十兩一錢九分
行月灘帶減存銀一十七兩三錢五分
給屯折

俸廉工銀一
百四十四兩

額設一幫輪運二員隨幫一員丁四百五十名船
四十五隻

雍正十三年領幫兌運寧國廣德二府州屬漕糧
輪運二員隨幫一員屯丁原派五百五十名內減
丁一百名實四百五十名淺船原派五十五隻內
減存船一十隻實四十五隻

建陽衛

額徵隨漕銀三千二百八兩一分二釐

內全裁書
辦工食銀

四十八兩

閒

丁貼

造

銀

三百

四十一

兩

八錢八分

屯折運

隨

俸

廉

工銀

二百

八十八

兩

行月銀

二

千五百三十兩

一錢三分二釐

額設二幫輪運四員隨幫二員丁一千名船一百隻

雍正十三年寧國幫兌運寧國池州二府屬漕糧
輪運二員隨幫一員屯丁原派六百四十名內灘
帶減存丁一百四十名實五百名淺船原派六十

四隻內灘帶減存船一十四隻實五十隻

太平幫兌運太平廣德二府州屬漕糧輪運二員
隨幫一員屯丁原派六百四十名內灘帶減存丁
一百四十名實五百名淺船原派六十四隻內灘
帶減存船一十四隻實五十隻

廬州衛

額徵隨漕銀六百七十八兩

內全裁書辦工食銀
七十八兩 給運隨

体凜工銀四百三十二兩
江廠造船銀一百六十八兩

清

額設三幫輪運六員隨幫三員丁一千九百八十
名船一百九十八隻

雍正十三年頭幫兌運廬州府屬漕糧輪運二員
隨幫一員屯丁原派三百四十八名內灑帶減存
丁六十八名實二百八十名淺船原派二十九隻
內灑帶減存船一隻實二十八隻

二幫兌運蘇州府屬漕糧輪運二員隨幫一員屯
丁原派七百二十名內灰灑減存丁一百五十名

實五百七十名淺船原派六十隻內灰灑減存船
三隻實五十七隻又原六幫今改二幫屯丁原派
三百五十名內灰灑減存丁八十名實二百七十
名淺船原派三十五隻內灰灑減存船八隻實二
十七隻

三幫兌運蘇州府屬漕糧輪運二員隨幫一員屯
丁原派五百八十八名內灰灑減存丁一百二十
八名實四百六十名淺船原派四十九隻內灰灑

減存船三隻實四十六隻又原五幫今改三幫屯
丁原派五百一十名內灰灑減存丁一百一十名
實四百名淺船原派五十隻內灰灑減存船一
十一隻實四十隻

鳳陽衛

額徵隨漕米六百八十五石六斗六升麥六百八
十五石六斗六升內俱係鳳倉本色米麥銀一千一百九
十八兩五錢七釐內鳳倉米麥折銀一千一百三十
五兩六分七釐清江廠造船銀

六十三兩
四錢四分

額設一幫輪運二員隨幫一員丁九百七十名船
九十七隻

雍正十三年常州幫兌運常州府屬漕糧輪運二
員隨幫一員前幫原改頭幫今改常州幫屯丁原
派四百名內灰灑減存丁九十名實三百一十名
淺船原派四十隻內灰灑減存船九隻實三十一
隻後幫原改頭幫今改常州幫屯丁原派二百名

內灰灑減存丁五十名實一百五十名淺船原派
二十隻內灰灑減存船五隻實一十五隻又懷遠
衛原改二幫今改常州幫屯丁原派四百三十名
內灰灑減存丁一百名實三百三十名淺船原派
四十三隻內灰灑減存船十隻實三十三隻又鳳
陽右衛後幫原改二幫今改常州幫屯丁原派二
百四十名內灰灑減存丁六十名實一百八十名
淺船原派二十四隻內灰灑減存船六隻實一十

八隻

鳳陽中衛

額徵隨漕米一千三十七石一斗七升四合麥一

千一十八石九斗九升

內俱係鳳倉本色米麥

銀一千三百

四十九兩九錢一分五釐

內鳳倉米麥折銀一千二百五十一兩八錢三

分五釐清江廠造船銀九十八兩八分

額設三幫輪運六員隨幫二員丁一千六百五十

名船一百七十一隻

雍正十三年頭幫兌運常州府屬漕糧輪運二員
隨幫一員原頭幫今改常州幫屯丁原派五百名
內灰灑減存丁八十名實四百二十名淺船原派
五十隻內灰灑減存船八隻實四十二隻又原三
幫今改常州幫屯丁原派三百二十名內灰灑減
存丁五十名實二百七十名淺船原派三十二隻
內灰灑減存船五隻實二十七隻

二幫兌運常州府屬漕糧輪運二員隨幫一員原

鳳右衛前幫今改二幫屯丁原派四百六十名內
灰灑減存丁一百一十名實三百五十名淺船原
派四十六隻內灰灑減存船一十一隻實三十五
隻原鳳右衛後幫今改二幫屯丁原派一百名內
灰灑減存丁三十名實七十名淺船原派一十隻
內灰灑減存船三隻實七隻又鳳前衛前幫今改
二幫屯丁原派三百五十名內灰灑減存丁七十
名實二百八十名淺船原派三十五隻內灰灑減

存船七隻實二十八隻鳳前衛後幫今改二幫屯
丁原派二百名內灰灑減存丁四十名實一百六
十名淺船原派二十隻內灰灑減存船四隻實一
十六隻

三幫兌運六泗二州屬漕糧輪運二員例無隨幫
原鳳右衛二幫今改三幫屯丁原派一百五十八
名內蠲減丁五十八名實一百名淺船原派一十
六隻內蠲減船六隻實一十隻又帶運廬州衛四

幫船六隻

長淮衛

額徵隨漕米三百四十三石三斗六升四合 麥

三百三十八石四斗九升一合

內俱係鳳倉本色米麥

銀

一百六十三兩六錢八分一釐

內鳳倉未麥折銀一百一十三兩二

錢八分一釐
造船銀五十兩四錢

額設四幫輪運八員隨幫三員丁一千五百一十

名船一百五十一隻

雍正十三年頭幫兌運常州府屬漕糧輪運二員
隨幫一員原本衛前幫屯丁原派四百四十名內
灰灑減存丁六十名實三百八十名淺船原派四
十四隻內灰灑減存船六隻實三十八隻又原本
衛後幫今改頭幫屯丁原派二百四十名內灰灑
減存丁五十名實一百九十名淺船原派二十四
隻內灰灑減存船五隻實一十九隻

二幫兌運豫省漕糧輪運二員例無隨幫屯丁原

派二百五十二名內灑減丁五十二名實二百名
淺船原派二十一隻內灑減船一隻實二十隻
三幫兌運徐州府屬漕糧輪運二員隨幫一員屯
丁三百四十名淺船三十四隻

四幫兌運鎮江府屬漕糧輪運二員隨幫一員屯
丁原派四百一十名內灑帶減存丁一十名實四
百名淺船原派四十一隻內灑帶減存船一隻實
四十隻

泗州衛

額徵隨漕銀四百五兩三錢六分六釐

內全裁書
辦工食銀

二十三兩七錢九釐

運隨俸廉工銀一百四十

二兩二錢五分七釐

清江廠造船銀二百三十

九兩
四錢

額設二幫輪運四員隨幫二員丁一千一百九十九船一百一十九隻

雍正十三年二幫俱兌運蘇州府屬漕糧

前幫輪運二員隨幫一員屯丁原派八百四名內

減存丁三百一十四名實四百九十名淺船原派
六十七隻內減存船一十八隻實四十九隻

後幫輪運二員隨幫一員屯丁原派八百六十四
名內灰石減存丁一百六十四名實七百名淺船
原派七十二隻內灰石減存船二隻實七十隻

宿州衛

額徵隨漕月糧麥二百三十石四斗銀三百六十
八兩九錢八分

內全裁書辦工食銀二十四兩
運隨俸廉工銀一百四十四兩

月糧并未減月糧銀七十八兩四錢八分
清江廠造船銀一百二十二兩五錢

額設二幫輪運四員隨幫二員丁六百六十名船

六十六隻

雍正十三年頭幫兌運鳳泗二府州屬漕糧輪運
二員隨幫一員屯丁原派二百九名內減存丁九
名實二百名淺船原派二十隻九分內減船九分
實二十隻

二幫兌運鳳潁亳三府州屬漕糧輪運二員隨幫

一員屯丁四百六十名淺船四十六隻

淮安衛

額徵隨漕月糧米二百七十七石三升三合月糧
麥五百五十四石六斗七升月糧豆二百七十七
石三升三合銀一千二百二十七兩七錢五釐

內裁

扣工食銀三十六兩月糧并水減月糧銀六百
二兩三錢五釐運隨俸廉工銀一百八十九兩

六分一釐清江廠造船
銀四百兩三錢三分九釐

額設四幫輪運八員隨幫四員丁一千九百三十

名船一百九十三隻

雍正十三年頭幫兌運蘇州常州二府屬漕糧輪運二員隨幫一員屯丁原派七百六十名內本幫丁五百九十二名附載遮洋幫丁一百六十八名內灰石減存丁七十名實六百九十名淺船原派七十一隻內本幫船五十七隻附載遮洋幫船十四隻內灰石減存船二隻實六十九隻

二幫兌運淮海二府州屬漕糧輪運二員隨幫一

員屯丁原派五百二十九名內灰石減存丁三十九名實四百九十名淺船原派五十一隻內灰石減存船二隻實四十九隻

三幫兌運淮海邳三府州屬漕糧輪運二員隨幫一員屯丁原派五百七十名內減存丁一百二十名實四百五十名淺船原派五十七隻內減存船一十二隻實四十五隻

四幫兌運蘇州府屬漕糧輪運二員隨幫一員屯

丁原派三百五十名內灰灑減存丁五十名實三百名淺船原派三十五隻內灰灑減存船五隻實三十隻

大河衛

額徵隨漕月糧米二百五十五石八斗二升月糧麥五百一十一石六斗二升四合月糧豆二百五十五石八斗二升銀一千二百四十五兩六錢四分三釐內裁扣工食銀三十兩月糧并永減月糧銀三百五十兩四錢二分一釐運隨

俸廉工銀三百七十七兩七分四釐 清江廩造
船銀四百八十四兩七錢三分四釐 賠陞小料
銀三兩四錢
一分四釐

額設三幫輪運六員隨幫三員丁一千七百四十
名船一百七十四隻

雍正十三年前幫兌運淮海二府州屬漕糧輪運
二員隨幫一員屯丁原派六百六十名內減存丁
二百一十名實四百五十名淺船原派五十五隻
內減存船十隻實四十五隻

二幫兌運常州府屬漕糧輪運二員隨幫一員屯
丁原派七百三十二名內灰石減存丁一百四十
二名實五百九十名淺船原派六十一隻內灰石
減存船二隻實五十九隻

三幫兌運蘇州常州二府屬漕糧輪運二員隨幫
一員屯丁原派八百六十四名內灰石減存丁一
百六十四名實七百名淺船原派七十二隻內灰
石減存船二隻實七十隻

揚州衛

額徵隨漕銀四百五十八兩

內裁扣書辦工食銀
三十六兩 清江廠

造船銀四百
二十二兩

額設四幫輪運八員隨幫四員丁二千五百七十
名船二百五十七隻

雍正十三年頭幫兌運蘇州府屬漕糧輪運二員
隨幫一員屯丁原派一千一百一十六名內灰石
減存丁二百六名實九百一十名淺船原派九十

三隻內灰石并暫減船二隻實九十一隻

二幫兌運揚通二府州屬漕糧輪運二員隨幫一員屯丁原派六百八十名淺船六十八隻

三幫兌運揚州府屬漕糧輪運二員隨幫一員屯丁一百七十名淺船一十七隻又原十幫今改三幫屯丁三百五十名淺船三十五隻

四幫兌運揚通二府州屬漕糧輪運二員隨幫一員原七幫屯丁二百三十名淺船二十三隻又原

八幫今改四幫屯丁二百三十名淺船二十三隻

儀徵衛

額徵隨漕銀六百五十六兩七錢四分

內裁扣工
食銀四十

二兩
清江廠造船銀一百四十四兩
給俸原工銀一百七十兩七錢四分

額設一幫輪運二員隨幫一員丁八百三十名船
八十三隻

雍正十三年領幫兌運蘇州府屬漕糧輪運二員
隨幫一員屯丁原派一千二十名內灰灑減存丁

一百九十名實八百三十名淺船原派一百二隻
內灰灑減存船一十九隻實八十三隻

滁州衛

額徵隨漕銀二百一十兩

內全裁書辦工食銀四十
八兩運隨俸廉工

江廠造船銀一百四十四兩清一十八兩

額設一幫輪運二員隨幫一員丁五百四十名船
五十四隻

雍正十三年蘇州幫兌運蘇州府屬漕糧輪運二

員隨幫一員原前幫屯丁原派四百九十名內灰
灑減存丁一百名實三百九十名淺船原派四十
九隻內灰灑減存船一十隻實三十九隻又原後
幫今改蘇州幫屯丁原派二百名內灰灑減存丁
五十名實一百五十名淺船原派二十隻內灰灑
減存船五隻實一十五隻

徐州衛

額徵隨漕徐倉麥七千三百一十八石七斗五升

四合徐倉豆三十九百九十一石七升五合

額設三幫輪運六員隨幫三員丁一千六百五十
名船一百六十五隻

雍正十三年江北幫兌運徐州府屬漕糧輪運二
員隨幫一員屯丁原派六百七十名內灑減丁七
十名實六百名淺船原派六十七隻內灑減船七
隻實六十隻

河南前幫兌運豫省漕糧輪運二員隨幫一員屯

丁原派五百三十五名內灑減丁五名實五百三十名淺船原派五十三隻五分內灑減船五分實五十三隻

河南後幫兌運豫省漕糧輪運二員隨幫一員屯丁原派五百三十五名內灑減并現減丁一十五名實五百二十名淺船原派五十三隻五分內灑減并現減船一隻五分實五十二隻

蘇松等處督糧道所轄各府州衛漕白糧正雜

等項

國朝順治初原額漕糧正改兌正耗米一百五十五萬
九百七十一石五斗一升七合有奇 白糧正耗
春辦等米二十七萬一千六百一十二石六合有
奇

隨漕白項下本色米一十四萬九百二十一石三
斗九合有奇 麥一萬六千七百五十五石二斗
七升六合有奇 折色銀六十七萬六千八十兩

二錢五分一釐有奇

輪運千總二十二員隨幫百總八員丁七千三百二十八名內除減丁外實運丁六千七百二十八名八分船六百四十八隻內除減存外實運船五百九十四隻八分

康熙二十二年額徵漕糧正改兌正耗米一百四十八萬二千七百一十石八斗五升三合有奇白糧正耗春辦等米一十萬五千八百四十六石

八斗八升四合有奇

隨漕白項下本色米一十四萬八十五石三斗一升八合有奇
麥一萬六千五百四十七石四升三合有奇
折色銀六十六萬六千一百五十一兩九錢三分七釐有奇

輪運千總隨幫百總俱與原額同丁船亦與原額同

雍正十三年實在漕糧正改兌正耗米一百五十

三萬七千四十六石四合有奇 白糧正耗米一

十九萬三千七百八十三石五斗八升二合有奇

內漕糧正改兌正米一百一十萬四千五百石三
斗九升四合有奇耗米四十三萬二千五百四十

五石六斗九合有奇 白糧正米一十五萬四百
七十三石二斗一升九合有奇耗米四萬三千三

百一十石三
斗六升三合

隨漕白項下本色米一十八萬三千三百二十七

石四斗四升四合麥一萬六千五百六十六石八

斗七升二合

內漕贈五米七萬六千八百五十一
石六斗四合係給各幫丁沿途運費

之項 蘇太鎮金四衛軍儲行月米三萬七千一百二十石七斗九升八合內除給蘇太鎮金四衛各幫丁行月米外餘米折價解部 協濟揚淮壽鎮倉行月米二萬九千九百七十九石六斗七合內除撥給兵糧并揚二三四等幫丁月糧等項外餘米解部 盡用耗米二萬八千五百七十五石七斗三升三合係給州縣及白糧幫丁各半分支以為春辦不敷沿途折耗之項 運船水手食米一萬七百九十九石七斗二合係給白糧幫丁水手飯米口糧之項 協濟揚淮壽鎮倉行月麥一萬六千五百六十六石八斗七升二合係給鎮淮大泗長等衛幫丁行月銀兩之項 折色

銀六十五萬一千九百七十一兩四錢六分九釐

有奇

內漕贈十銀并五銀一十五萬一千三百六十兩四分五釐係隨漕給丁濟運之項

輕齋正杠并七分席木板銀一十四萬一千九
三兩六錢七分一釐內除解通給發解官水腳等
銀外餘俱解部三分席木板銀二千六百三十
六兩六分九釐內除給丁銀一千五百八十兩九
錢三分有奇備辦席片帶解通倉外餘銀解部
金鎮二衛裁扣幫官廩工銀二百一十六兩內除
金山鎮江二衛隨幫官廩工銀兩外餘銀解部
六升米折銀六千九百一十三兩五錢三釐內除
動給蘇太鎮金鎮五衛幫丁修船并京口護漕工
食銀兩外餘存解部蘇太鎮金四衛軍餉行月
銀三萬七千四百四十四兩六錢九分七釐係給
蘇太鎮金鎮并協運揚儀淮大泗長等衛各幫丁
行月銀兩之項贍運銀一千一百一十兩三錢
七分五釐內除給金山衛幫丁幫貼濟運不敷銀
兩外餘銀解部蘇太鎮金鎮五衛造船料價民
七軍三銀一萬一千一百八十二兩二錢四分七

釐有奇係給造船料價之項 改折灰石銀三萬
五千六十五兩一錢九分六釐係解部 諸濟淮
揚壽鎮四倉行月銀三萬二千六十五兩六錢九
分一釐 各倉損費銀七百四兩七錢八分八釐
係給解官水腳銀兩之項 白糧經費銀一十萬
四千五百六十三兩九錢三分內除給白糧幫丁
漕載負重并蘇太鎮金鎮五衛各幫漕船負重銀
兩及米包人夫工食并解通由賄銀兩外餘銀解
部 我存經費銀一十二萬七
千六百九兩二錢五分七釐

輪運千總二十員隨幫百總十員丁五千八百九
十名船五百八十九隻

蘇州府

額徵漕糧正改兌正米五十萬二千五百五石九
斗五升八合耗米一十九萬七千九百七十四石
四斗七升 白糧正米四萬四千五百九十六石
三斗三升一合又耗米一萬三千三百七十八石
八斗九升九合

隨漕雜項米共八萬三百七石五斗四升四合麥

一千七百六十六石九斗九升五合

內贈貼五米
三萬五千二

十四石二升一合 蘇太鎮三衛軍儲米二萬八
千三十七石四斗八升四合 協濟揚儀二衛幫

丁月糧米六千二百四十四石二升一合
盤用耗米七千七百九十一石八升六合
給軍

運船食米三千二百一十石九斗三升五合
濟鎮江衛幫丁行月麥一千七百六十六石九斗
協

九升
五合
銀二十六萬四千二百五十三兩八錢九

分二釐

內贈貼十銀七萬四十八兩四分二釐
輕齋正損費并七分蓆木板等銀六萬七

千五百一十一兩六錢九分三釐
三分蓆木板
銀一千二百三十兩三錢四分七釐
蘇太鎮三

衛軍儲銀二萬五千七百四十七兩三錢九分三
釐
蘇太鎮三衛造船料價民七軍三銀六千五

百二十七兩五錢八分九釐
協濟鎮江衛幫丁
行月銀七百六十四兩七錢一分一釐
協運揚

儀二衛幫丁月糧銀三千五百四兩四錢五分九
釐
漕糧改折灰石銀一萬八千一百五十一兩

一錢六分一釐 白糧經費銀三萬九百六十八
兩二錢六釐 裁存經費銀三萬九千六百二十
八兩一錢四分七釐 各倉損費
銀一百七十二兩一錢四分四釐

松江府

額徵漕糧正改兌正米二十二萬五千九百二十
五石五斗七升九合有奇 耗米八萬七千四百
六十五石六斗一升五合有奇 白糧正米五萬
二十四石四斗七升有奇耗米一萬三千七百六
石四斗三合有奇

隨漕雜項米共四萬一百七十五石四斗六升八

合

內贈貼五升九合

米一萬五千六百六十石五斗五

金松行月米三千二百四十石八斗

七升一合

協運揚儀二衛幫丁月糧米七千六

百九十二石七斗五升

給軍盤用耗米一萬四

石八斗九升四合

給軍運船食米三千五百六十七石三斗九升四合

銀一十五

萬六千八百八十一兩四錢二釐有奇

內贈貼一千三百三十九兩一錢一分九釐

銀三萬一

七分席木板等銀二萬八千三百一十八兩四分

千三百三十九兩一錢一分九釐輕齋正損并

三分席木板銀五百四十二兩一錢六分二釐

金松行月銀三千三百九十二兩五錢一分七釐

協運揚儀二衛幫丁月糧銀二千九百九十六

兩五錢八分一釐內派給幫丁月糧米石外餘聽

落司動撥兵餉
分六釐 清糧改折灰石解部銀八千一百八兩
一分六釐 解藩司軍三銀三百九十九兩四錢
一分六釐 紿金山衛幫造淺船料價民七銀四
百八十四兩五錢四分七釐有奇 裁扣幫官庫
工銀一百八兩 六升米折銀六千九百一十三
兩五錢三釐內除動給五衛幫修船銀并京口護
漕船工食外餘存解部 賦運銀一千一百一十
兩三錢七分五釐 白糧經費銀三萬四千七百
七十四兩五分五釐 裁存經費銀三萬八千三
百三十二兩五
錢八分五釐

常州府

額徵漕糧正改兌正米一十七萬二千二十五石

四斗二升五合 耗米六萬八千八百一十石一
斗七升 白糧正米四萬四百八石三斗六升四
合 耗米一萬一千五百九十一石八斗四升四
合

隨漕雜項米共二萬八千四百四十一石四斗一

升三合麥七千九百一十一石四斗五升七合

內贈

貼五米一萬二千四十一石一斗二升 協濟揚
儀二衛月糧米五千四百九石二斗一升八合

給軍盤用耗米八千八十一石六斗七升三合
給軍運船食米二千九百九石四斗二合 協濟

淮大泗等衛幫行糧麥三千六十一石三斗三升
八合 宜荆二縣額解江安糧道淮倉麥三百一
十六石四斗 協濟長淮等衛幫月糧麥九百四
十石二斗七升 協濟鎮江衛幫行月麥三千五
百九十三石四 斗四升九合

兩九錢七分九釐

內贈貼十銀二萬四千八十二兩二錢四分一釐 輕齋正損

費并七分席木板等銀二萬四千四百一十三兩
二分四釐 三分席木板銀四百一十五兩三錢
七分四釐 協濟蘇太鎮金鎮五衛造船料價民
七銀五百一十三兩九錢三分二釐 協濟揚儀
二衛月糧銀五千九百六十九兩八錢八分二釐
協運淮大泗等衛幫行糧銀一千三百二十四
兩八錢九分九釐 宜荆二縣額解江安糧道淮
倉銀一百二十六兩五錢六分 協濟長淮等衛

幫月糧銀三千六百一十六兩六錢七分九釐
協濟鎮江衛幫行月銀一千八百八十九兩一錢
七分五釐 清糧改折灰石銀六千二百五十三
兩一錢三分三釐 白糧經費銀二萬八千九十九
五百兩三錢一分二釐 藏存經費銀三萬五千六
百八十五兩一錢四分 各倉損費銀三百一兩
六錢二釐

鎮江府

額徵漕糧正改兌正米一十三萬三千四百九十
四石六斗二升三合 糜米五萬五百石九斗四
升八合

隨漕雜項米共一萬七千六百七十一石一升五

合麥六千二百七十六石五斗一升三合

內贈貼五

朱九斗一百九十九石七斗四升四合
儀二衛月糧米四千八百八十石二斗八升五合

內有藩司撥給兵糧并江道派給揚二三四等幫
月糧給鎮江衛幫行月米三千五百九十九石九

斗八升六合
六百六十一石二斗七升七合
給鎮江衛幫行

月麥四千六百一十
五石二斗三升六合

銀三萬九千六百二十三

兩一錢八分七釐

內贈貼十銀并五銀一萬六千六十二兩三錢二分二釐輕

齋正損費并七分席木板等銀一萬一千三百七
十一兩二錢六分四釐
三分席木板銀二百七

十五兩四錢五分八釐 裁扣幫官廩工銀一百
八兩 兒解江安糧道揚倉銀一百三十兩八分六
釐 分八釐 協濟揚儀二衛月糧銀四千三百三兩五錢
十一兩八分一釐 紿鎮江衛幫行月銀五千七
十六兩八錢三分九釐 紿蘇太鎮金鎮五衛造船
料價民七軍三銀一千三百一兩五錢三分三
釐 各倉損費銀一百一十三兩六分六釐

太倉州併屬

額徵漕糧正改兌正米七萬五百四十八石八斗
九合 耗米二萬七千七百九十四石四斗六合
白糧正米一萬五千四百四十四石五升四合

耗米四千六百三十三石二斗一升六合

隨漕雜項米共一萬六千七百三十二石四合麥

六百一十一石九斗七合內贈貼五米四千九百一十七石一斗六升一

合

給蘇太鎮三衛各幫運丁行月米五千八百四十二石四斗四升六合協濟揚儀二衛幫月

糧米二千一百六十二石三斗四升七合給軍盤用耗米二千六百九十八石八升

給軍運船

食米一千一百一十一石九斗七升一合協濟鎮江衛幫丁行月麥六百一十一石九斗七合

銀五萬八千五百二十六兩九釐

內贈貼十銀

木板等銀九千四百七十九兩六錢五分三分十四兩三錢二分一釐

輕齋正損費并七分蓆

蓆木板銀一百七十二兩七錢二分八釐給蘇
太鎮三衛各幫運丁行月銀八千三百四兩七錢
八分七釐 蘇太鎮三衛造船料價民七軍三銀
一千九百五十兩二錢三分 協濟鎮江衛幫
丁行月銀二百六十五兩三錢一分八釐 協運
揚儀二衛幫月糧銀一千二百一十五兩八錢八
分三釐 潛糧改折灰石銀二千五百五十二兩
八錢二分六釐 白糧經費銀一萬七百二十六
兩三錢五分七釐 裁存經費銀一萬三千九百
六十五兩三錢八分五釐 各倉損費銀五千九
兩五錢二
分四釐

蘇太等衛官丁船隻等項

蘇州府

額徵隨漕本色屯糧行月米五千九百六十二石
五斗六升五合 折色屯餘漕項銀一千八百九
兩五錢二分九釐

額設二幫輪運四員隨幫二員丁一千六百八十
名船一百六十八隻

雍正十三年二幫俱兌運蘇州府屬漕糧

前幫輪運二員隨幫一員屯丁原派一千一百四
十四名內灰石并灑帶減存丁一百二十四名實

一千二十名淺船原派一百四隻內灰石并灑帶減存船二隻實一百二隻

後幫輪運二員隨幫一員屯丁原派七百五十九名內灰石并灑帶減存丁九十九名實六百六十六名淺船原派六十九隻內灰石并灑帶減存船三隻實六十六隻

太倉衛

額徵隨漕本色屯糧米二千三百二十石六斗三

升九合

額設二幫輪運四員隨幫二員丁一千一百名船一百一十隻

雍正十三年二幫俱兌運蘇州常州二府屬漕白二糧

前幫輪運二員隨幫一員屯丁原派八百八十名內灰石并灑帶減存丁一百三十名實七百五十名淺船原派八十隻內灰石并灑帶減存船五隻

實七十五隻

後幫輪運二員隨幫一員屯丁原派四百一十八名內灰石并坍荒減存丁六十八名實三百五十名淺船原派三十八隻內灰石并坍荒減存船三隻實三十五隻

鎮海衛

額徵隨漕本色屯糧米二千八百八十三石五斗

五升三合

額設二幫輪運四員隨幫二員丁八百九十名船
八十九隻

雍正十三年二幫俱兌運蘇州松江二府屬漕白
二糧

前幫輪運二員隨幫一員屯丁原派五百九十四
名內灰石并坍荒灑帶減存丁一百五十四名實
四百四十名淺船原派五十四隻內灰石并坍荒
灑帶減存船一十隻實四十四隻

後幫輪運二員隨幫一員屯丁原派六百一十六
名內灰石并坍荒灑帶減存丁一百六十六名實
四百五十名淺船原派五十六隻內灰石并坍荒
灑帶減存船一十一隻實四十五隻

金山衛

額徵隨漕金松本色月糧米四百一十三石六斗
隨漕銀二千三十一兩三錢九分一釐內金松折
四百一十三兩六錢 賦運銀一千一百一十兩
三錢七分五釐 軍三小科銀三百九十九兩四

錢一分六釐
官庫工銀一百八兩

隨幫

額設一幫輪運二員隨幫一員丁三百九十名船
三十九隻

雍正十三年兌運松江常州二府屬漕白二糧原
設二幫今併一幫原前幫屯丁原派二百八十六
名內灰石并灑帶減存丁七十六名實二百一十
名淺船原派二十六隻內灰石并灑帶減存船五
隻實二十一隻原後幫屯丁原派二百三十一名

內灰石并灑帶減存丁五十一名實一百八十名
淺船原派二十一隻內灰石并減存船三隻實一
十八隻

鎮江衛

額徵隨漕銀六百六十兩

內軍三銀五百五十二兩
裁扣隨幫官廩工

銀一百八兩

額設三幫輪運六員隨幫三員丁一千八百三十
名船一百八十三隻

雍正十三年三幫俱兌運鎮江府屬漕糧原設二
幫今分三幫

前幫輪運二員隨幫一員屯丁原派六百七十二
名內減存丁一百二十二名實五百五十名淺船
原派五十六隻內減船一隻實五十五隻

中幫輪運二員隨幫一員屯丁原派六百七十二
名內減存丁一百二十二名實五百五十名淺船
原派五十六隻內減存船一隻實五十五隻

後幫輪運二員隨幫一員屯丁原派八百八十八
名內減存丁一百五十八名實七百三十名淺船
原派七十四隻內減存船一隻實七十三隻



江南通志卷七十八